

Sadd ⁽¹⁰⁰⁾ Saala Urs-E-Razvi Wa Saath ⁽⁶⁰⁾ Saala Urs-E-Hashmatí Mubarak Ho

Momín Wo Haí Jo Unkí Izzat Pe Marey Díl Se;
Tazeem Bhí Karta Haí Najdí To Marey Díl Se!

MOMIN KA IMTEHAAN

DAR RAUSHNI-E-TAMHEED-E-IMAAAN


MURATTIB

Nabeera-E-Huzoor Mazhar-E-AalaHazrat
Shehzaada-E-Sher-E-Hindostan Hazrat Allama Maulana

Al-Haaj Ash-Shah Mufti

MUHAMMAD ANADIL RAZA KHAN

Sahab Qibla Hashmati



ASKARI ACADEMY

Dargah Mazhar-E-AalaHazrat, Khanqah-E-Aaliya
Hashmatiya, Hashmat Nagar, Pilibhit Shareef

ROMAN URDU BY

RAZA-E-BANDANAWAZ ACADEMY

Gulbarga Shareef



الم أَحَسِبَ النَّاسُ أَنْ يَتْرَكُوا أَنْ يَقُولُوا آمَنَّا وَهُمْ لَا يُفْتَنُونَ

Tarjuma

(Kya Log Is Ghamand Mein Haiñ Ke Itni Baat Par Chod Diye Jaayeñge
Ke Kahiñ Hum Imaan Laaye Aur Unki Aazmaayish Na Hogi)

Yeh Nihaayat Ehem Aur Naafi' Risaala Mubaaraka Jismein Is Aqeeda-E-Mubaaraka Ka Waazeh Aur Raushan Bayaan Hai Ke Allah Azzawajal Aur Uske Pyaare Mehboob Aur Unke Mehboobaan-E-Baargaah Se Sachi Ulfat-O-Muhabbat Aur Unke Tamaam Dushmanon Se Qalbi Nafrat-O-Adaavat Rakhna Ghulaamaan-E-Mustafa ﷺ Ki Sachi Pehchaan Hai Aur Yehi Madaar-E-Nijaat-O-Manaat-E-Imaan Hai Aur Momin Ke Imaan Ka Kya Imtehaan Hai, Aur Imaan Ke Imtehaan Mein Kaise Pass Hona Hai? Iska Raushan Bayaan Hai. Aur Yeh Sab Kuch Faizaan-E-Tamheed-E-Imaan Hai. Aur Yeh Dars-E-Qadri-O-Barkati Razvi-O-Hashmati Sunni Musalmaanon Ke Dilon Ke Liye Raahat-E-Jaan Hai, Aur Tamaam Murtaddeen Wahaabiyañ, Devbandiyañ, Sulahkulliyañ Waghairahum Ke Haq Mein Aafat-E-Jaan Hai.

MOMIN KA IMTEHAAN

DARR RAUSHNI-E-TAMHEED-E-IMAAAN

-: MURATTIB :-

Nabeera-E-Huzoor Mazhar-E-AalaHazrat Shehzaada-E-Sher-E-Hindostan Hazrat Allama Maulana Al-Haaj Ash-Shah
MUFTI MUHAMMAD ANAADIL RAZA KHAN Saahab Qibla Hashmati

-: NAASHIR :-

ASKARI ACADEMY

Dargah Mazhar-E-AalaHazrat Hashmat Nagar Pilibhit Shareef U.P.

-: ROMAN URDU BY :-

RAZA-E-BANDANAWAZ ACADEMY

Gulbarga Shareef

Ba-Fa'izaan-E-Karam

Munaazir-E-Aazam Alal Itlaaq, Naasir-UI-Islam Wal Muslimeen Ghaiz-UI-Munaafiqeen Wal Murtaddeen,
Hujjatullaah Fil Ardeen, Khaleefa-E-Mujaddid-E-Aazam Millat-O-Deen

Huzoor Sayyiduna Sarkaar **Mazhar-E-AalaHazrat** Sher Beshaye AhleSunnat Radi Allahu Ta'ala Anh

Naam Kitaab	:	Momin Ka Imtehaan Darr Raushni-E-Tamheed-E-Imaan
Murattib	:	Nabeera-E-Huzoor Mazhar-E-AalaHazrat Shehzaada-E-Sher-E-Hindostan Hazrat Allama Maulana Al-Haaj Ash-Shah Mufti Muhammad Anadil Raza Khan Sahab Qibla Hashmati
Musahhah	:	Nabeera-E-Huzoor Mazhar-E-AalaHazrat Shehzaada-E-Mufti-E-Aazam Pilibhit Shareef Hazrat Allama Maulana Al-Haaj Ash-Shah Mufti Muhammad Faaraan Raza Khan Saahab Qibla Hashmati
Nazar-E-Saani	:	Hazrat Allama Maulana Mufti Muhammad Naqeebur-Rahmaan Saahab Qibla Hashmati Sadar-UI-Mudarriseen Daarul Uloom Hashmatur-Raza Kanpur (Urdu Edition)
Composing	:	Muhammad Najmur-Raza Hashmati, Najm Graphics, Hashmat Nagar, Pilibhit Shareef, 8057649823 (Urdu Edition)
Naashir	:	Askari Academy, Dargah Mazhar-E-AalaHazrat Hashmat Nagar, Pilibhit Shareef, UP (Urdu Edition)
Roman Urdu By	:	Raza-E-Bandanawaz Academy, Gulbarga Shareef
Tabaa'at Baar Awwal	:	Ba-Mauqa-E-Urs-E-Razvi-O-Hashmati 1440H Mutaabiq November 2018
Safhaat	:	25
Edition	:	Urs-E-Razvi-O-Hashmati 1439H Mutaabiq November 2017

Milne Ke Patey

Raza Mehel, Chishti Hashmati Markaz, Khwaja Chowk Masjid Desvaliyan Diggi Chowk Dargah Ajmer Shareef

Jaamia AhleSunnat Daarul Uloom Hashmat-Ur-Raza Hashmat Nagar Pilibhit Shareef

Al-Jamiatul Hashmatiyah Mushahid Nagar Mahim Zila Gonda U.P.

MAZHAR

AHMAD
RAZA

HASHMAT

ALI
KHAN

QADRI

AZ

Qutb-E-Raichur,

Nasir-E-Islam-O-Sunniyat

Haami-E-AhleSunnat, Maahi-E-Bid'at

Hazrat Allama Maulana Mufti

Abu Muhammad

SYED CHANDA HUSSAINI SUFI ASHRAFI

Saahab Qibla Quddasa Sirrahu

SHER-E-SUNNAT REHNUMA HASHMAT ALI KHAAÑ QADRI

MAZHAR-E-AHMAD RAZA HASHMAT ALI KHAAÑ QADRI

AHLESUNNAT KO BACHAAYA GUMRAHI SE AAPNE
REHBAR-E-RAAH-E-HUDA HASHMAT ALI KHAAÑ QADRIMU'TARIF SHERAANA HIMMAT AUR HAQ GOYI KE HAIÑ
SAB TERI AYE MUQTADA HASHMAT ALI KHAAÑ QADRIAHLE BID'AT KAFIR-O-MURTAD KO AHLE SHIRK KO
SURAÑGOOÑ TU NE KIYA HASHMAT ALI KHAAÑ QADRIDEEN-O-SUNNAT KE MUJADDID NE DIYA JO KUCH BATA
USPE HI QAAYIM RAHA HASHMAT ALI KHAAÑ QADRIAHLESUNNAT KA SAHAARA HIND MEIÑ BAAD-E-RAZA
HAI HAMARA HI PIYA HASHMAT ALI KHAAÑ QADRIGHAAYIBAANA HAIÑ MUSALMAAÑ SHEEFTA SHAIIDA TERE
DE HUMEIÑ JALWA DIKHA HASHMAT ALI KHAAÑ QADRINAASIR-UL-ISLAM SHER-E-BESHAYE SUNNAT HAI TU
AJMAL-E-ANWAAR-UR-RAZA HASHMAT ALI KHAAÑ QADRIHAAMIYAAN-E-HAQ JO THE SAAKIT 'ANIL HAQ HOGAYE
PAR NA TU KHAMOSH HUVA HASHMAT ALI KHAAÑ QADRIHAI DUA **SUFI** KI YEH SAAYA FIGAN HUM PAR RAHE
MAZHAR-E-AHMAD RAZA HASHMAT ALI KHAAÑ QADRI

BA-GHAIR ISKE MUSALMAAN NAHIN HO SAKTA AGARCHE LAAKH DAAWA-E-ISLAM KARE AUR SHABAANA ROZ NAMA-AZ-O-ROZEY MEIN MUNHAMIK RAHE

Kisi Masjid Ya Madarse Ke Mihtamim Mutavalli Kya Ravaa Rakheñge Ke Apne Ikhtiyaar Se Use Imaam-O-Mudarris Kareiñ Jo Unke Maa Baap Ko Ailaaniya Mughallaza Gaaliyaañ Diya Kare, Hargiz Nahiñ. Phir Wahaabiya To Allah Azzawajal Ke Mehboob Muhammad-Ur-Rasoolullah (صلی اللہ تعالیٰ علیہ و علی آلہ وسلم) Ko Ailaaniya Gaaliyaañ Dete, Likhte, Chaapte Haiñ. Wo Kaisa Musalmaan Ke Use Halka Jaane Aur Aisoñ Ko Mudarris-O-Imam Kare. Allah Ta'ala Sacha Islam De Aur Us Par Sachí Isteqaamat Ataa Farmaaye Aur Apni Aur Apne Habeeb-E-Akram (صلی اللہ تعالیٰ علیہ و علی آلہ وسلم) Ki Sachí Muhabbat De Aur Unke Dushmanoñ Se Kaamil Adaavat-O-Nafarat Ataa Farmaaye Ke Ba-Ghair Iske Musalmaan Nahiñ Ho Sakta Agarche Laakh Daawa-E-Islam Kare Aur Shabaana Roz Namaaz-O-Rozey Meiñ Munhamik Rahe. RasoolAllah (صلی اللہ تعالیٰ علیہ و علی آلہ وسلم) Farmaate Haiñ:

(لَا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ وَالنَّاسِ أَجْمَعِينَ)

Tarjuma: (Logo!) Tum Meiñ Se Koi Shakhs Us Waqt Tak Momin Nahiñ Ho Sakta Jabtak Main Uski Nigaah Meiñ Uske Waalidain, Awlaad Aur Sab Logo Se Zyaada Mehboob Na Hojaauñ. **(Tarjuma)**

Kaash Musalmaan Itna Hi Kareiñ Ke Allah-O-Rasool Ki Muhabbat-O-Azmat Ko Ek Palley Meiñ Rakheñ Apne Maa Baap Ki Ulfat-O-Izzat Ko Dusre Meiñ. Phir Dushmanaan-O-Badgoyaan-E-Muhammad-Ur-Rasoolullah (صلی اللہ تعالیٰ علیہ و علی آلہ وسلم) Se Utna Hi Bartao Kareiñ Jo Apni Maa Ko Gaaliyaañ Dene Waale Ke Saath Baratte Haiñ To Yeh Sulahkulli, Yeh Be-Parvaahi, Yeh Sehel-Añgaari Yeh Nechari Mal'oon Tehzeeb, Sadd-E-Raah-E-Imaan Na Ho Warna Maa Baap Ki Muhabbat-O-Izzat RasoolAllah (صلی اللہ تعالیٰ علیہ و علی آلہ وسلم) Ki Muhabbat-O-Izzat Se Zaayid Hokaar Imaan Ka Daawa Mehez Baatil Aur Islam Qata'an Zaayil, **Wal 'Iyaazu Billaahi Ta'ala (Allah Ta'ala Ki Panaah. Tarjuma)**

(قَالَ اللَّهُ تَعَالَى: أَلَمْ أَحَسِبِ النَّاسُ أَنْ يُتْرَكُوا أَنْ يَقُولُوا آمَنَّا وَهُمْ لَا يُفْتَنُونَ ۝)

Kya Log Is Ghamand Meiñ Padgaye Ke Wo Sirf Itna Kehne Par Ke Hum Imaan Laaye, Chod Diye Jaayeñge Aur Unki Aazmaayish Na Hogi. **(Tarjuma)**

Zabaan Se Sab Keh Dete Haiñ Ke Haañ Humeiñ Allah-O-Rasool Ki Muhabbat-O-Izzat Sabse Zaayid Hai Magar Amali Kaarvaayiyaañ Aazmaayish Karaa Deti Haiñ Ke Kaun Is Daawe Meiñ Jhoota Aur Kaun Sacha.

PESH LAFZ

Yeh Baat Har Musalmaan Ko Ba-Khoobi Malum Hai Ke Imaan Pehle Aur Muqaddam Hai, A'maal Ka Darja Baad Mein Hai Yaani Imaan Hai To A'maal-E-Saaliha Mufeed-O-Kaargar Hai. Jaisa Ke Kutub-E-Aqaayid Mein Khoob Musarrar Hai. Aur Zaahir Ke Jo Cheez Pehle Hai Uska Zikr Bhi Pehle Aur Uski Durustgi Bhi Pehle Hi Ki Jaayegi. Jisko Huzoor Mazhar-E-AalaHazrat Radi Allahu Ta'ala Anh Ek Maqaam Par Apne Kalaam Mein Yun Farmaate Hai.

SHART HAI PEHLE AQAAYID KI DURUSTI MOMINO;

PHIR KARO KOSHISH NAMAAZON KE LIYE AYE MOMINO!

Isi Raushni Mein Ijmaalan Saifullah Al-Maslool Hazrat Allama Shah Fazl-E-Rasool Qadri Usmani Badayuni Radi Allahu Ta'ala Anh Ki Ma'rikatul Aaraa Tasneef "**Al-Mu'taqid**" Se Yeh Ibaarat Pesh Karna Zaroori Samajhta Huñ Jaisa Ke Aap Ne Us Kitaab-E-Mustataab Mein Imaan-O-Aqeede Ki Tafseeli Behes Farmaate Huve Bohot Waazeh Taur Par Faisla-Kun Nazariya-E-AhleSunnat Yun Bayaan Farmaaya Ke:

"Isliye Ke A'maal Ki Sehet Ke Liye Imaan Shart Hai, Aur Iska 'Aks Nahiñ, Isliye Ke A'maal Sehet-E-Imaan Ke Liye Shart Nahiñ."

Neyz Log Sabse Zyaada Laaparvaahi Wa Be-I'tinaayi Imaan-O-Aqeede Ke Talluq Se Baratt Rahe Haiñ. Lihaaza Zaroori Wa Ashad Zaroori Pehle Imaan-O-Aqeede Ki Durustgi Ki Jaaye Aur Karaayi Jaaye.

Isi Ke Pesh-E-Nazar Khaanqaah-E-Aaliya Hashmatiya Ke Nashariyaati Idaara Askari Academy Ne Imaan-O-Aqeede Ko Savaarne Waale Pamphlet Sticker Hand Bill Aur Kutub-O-Rasaayil Ke Zariye Qaum-O-Millat Ki Rehnumayi Ki Aur Un Sab Mein Matmah-E-Nazar Taaleemaat-E-Mujaddid-E-Aazam Sayyadi Sarkaar AalaHazrat Faazil-E-Barelvi Radi Allahu Ta'ala Anh Ko Rakha. Yaani Kutub-E-Raza Bil-Khusoos Fataawa Razviya Shareef Se In Ibaaraton Ko Awaam Ke Saamne Pesh Kiya Jinhein Aap Taaleemaat-E-Razviya Balke Imaani Taaleemaat Ki Rooh Aur Jaan Keh Sakte Haiñ.

Jin Ibaaraton Par Bade Bade Daavedaaraan-E-Ilm-O-Fazl Ki Nazar Nahiñ Thi Magar Alhamdulillah Summa Alhamdulillah Aaj Khaanqaah-E-Hashmatiya Ke Afraad-E-Ahle-Haq Ki Ba-Daulat Awaam Tak Ko Aise Fataawe Wa Ehkaamaat Zabaan Zadd Haiñ. Uska Sabse Bada Faida Yeh Huva Ke Awaam-E-AhleSunnat Ka Ek Bohot Bada Tabqa Aisa Tayyaar Ho Chuka Hai Jise Alqaab-O-Aadaab Ka Jhaansa Dekar Mar'oob Nahiñ Kiya Jaa Sakta. Balke Unhein Taaleemaat-E-Raza Ki Deyn Hai Ke Aaj Alqaab-O-Aadaab Ke Bojh Taley Dabi Huvi Shakhsiyaton Ka Asli Khadd-O-Khaal Har Khaas-O-Aam Ke Saamne Aa Chuka Hai. Jabse Tehreeraat-E-Raza Ko Sticker-O-Pamphlet-O-Rasaayil Waghaira Ki Shaki Mein Chaap Chaap Kar Aur Taqreeron Mein Padh Padh Kar Aam Kiya Jaaraha Hai Imaan Waalon Mein Ek Naya Josh-O-Jazba Aur Imaani Pukhtagi Aur Salaabat Dekhi Jaa Rahi Hai. Aur Ahbaab-E-AhleSunnat Ki Chaahat Badhti Hi Jaarahi Hai. Iska Andaaza Is Baat Se Lagaaya Jaa Sakta Hai Ke Khaanqaah-E-Hashmatiya Ke Nashariyaati Idaarey Askari Academy Ki Jaanib Se Ek Kitaab Ba-Naam "Rooh-E-Imaan" Manzar-E-Aam Par Aayi. Jo Khaas Taur Se Kutub-E-Sayyadi Sarkaar AalaHazrat Mujaddid-E-Aazam-E-Deen-O-Millat Ke Mubaarak, Imaan Afroz, Wahaabiyat Soz Iqtibaasaat Ka Majmoo'ah Hai.

Taqreeban Do Saal Ke Arse Mein Uske Sirf Urdu Edition Chaar Shaaye Ho Chuke Haiñ. Uske Ilaawa Hindi Aur Roman English Mein Bhi Yeh Kitaab Manzar-E-Aam Par Aayi. Aur Imaan Waalon Ne Use Haathon Haath Liya. Isi Tarah Se Khaanqaah-E-Hashmatiya Ne Sayyadi Sarkaar AalaHazrat Imaam-E-AhleSunnat Mujaddid-E-Aazam-E-Deen-O-Millat Faazil-E-Barelvi Radi Allahu Ta'ala Anh Ki Wasayat-E-Mubaaraka Ke Jumla-E-Baa-Karaamat "Mera Deen-O-Mazhab Jo Meri Kutub Se Zaahir Hai Uspar Mazbooti Se Qayim Rehna Har Farz Se Ehem Farz Hai". Namoono-E-Amal Aur Mi'yaar Banaakar Farmaan-E-Zeeshan "Haazireen Par Farz Hai Ke Ghaayibeen Ko Usse Agaah Karein" Par Amal Kiya. Aur Logo Ko Amal Ki Daawat Dete Huve Ek Naara Diya Ke "Sunnayat Ka Kaam Kareñge Fataawa Razviyah Aam Kareñge".

Yeh Saare Kaam Jumla Shehzaadgaan-E-Huzoor Mazhar-E-AalaHazrat Radi Allahu Ta'ala Anh Bil-Khusoos Ramz-E-Shanaas-E-Tareeqat Waaqif-E-Israar-E-Haqeeqat Rehnumaa-E-Rehbaar-E-Shari'at Sher-E-Hindostan Hazrat Allama Al-Haaj Ash-Shah Mufti Muhammad Idrees Raza Khan Saahab Qibla Hashmati (افاضة الله تعالى بفيوضهم المبارك) Ki Rehbari-O-Rehnumayi-O-Karam Farmaayi Ka Nateeja Haiñ. Beharha! Kutub-E-Sayyadi Sarkaar AalaHazrat Azeem-Ul-Barkat Mujaddid-E-Aazam-E-Deen-O-Millat Faazil-E-Barelvi Radi Allahu Ta'ala Anh Mein "Tamheed-E-Imaan Ba-Aayaat-E-Quraan" Ek Nihaayat Hi Nafa' Bakhsh Faiz Rasaañ, Imaan Afroz, Wahaabiyat-O-Devbandiyat Soz, Risaala-E-Mubaaraka Hai. Aur Subhaan Allah Yeh Kitaab-E-Mustataab Khaanqaah-E-Hashmatiya Ke Maa-Tehet Chalne Waale Aksar Idaaron Mein Daakhil-E-Dars Hai. Balke Shehzaadgaan Hazrat Jahaan Bhi Tashreef Lejaate Haiñ Madarse Waalon Ko Daakhil-E-Nisaab Karne, Ayimma Hazrat Ko Dars Mein Bayaan Karne Aur Muredeen-O-Mutavassileen-O-Mu'taqideen Ko Mutaali'ah Karte Rehne Aur Uspar Amal Paira Hone Ki Talqeen Farmaate Rehte Haiñ. Usi Kitaab-E-Mustataab Se Faiz Haasil Karte Huve Shehzaada-E-Sher-E-Hindostan Ne Ek Mazmoon Ba-'Unvaan "Momin Ka Imtehaan Darr Raushni-E-Tamheed-E-Imaan" Tarteef Diya. Taake Awaam-E-AhleSunnat Paighaamaat-E-AalaHazrat Tak Rasaayi Haasil Karein. Aur Tamheed-E-Imaan Shareef Ka Faiz Haasil Karte Huve Apne Imaan-O-Aqeede Ki Hifaazat Kar Sakein. Allah Tabarak Wa Ta'ala Apne Mehboob-E-Paak (صلى الله تعالى عليه و على آله وسلم) Ke Sadqe Wa Tufail Is Risaale Ko Khaas-O-Aam Mein Maqbool Farmaaye Aur Humein Buzurgan-E-Deen Ke Maslak-O-Mashrab Par Gaamzan Farmaaye Aur Jamee' Firqahaaye Baatila, Wahaabiyon, Deobandiyon, Raafziyon, Nechariyon, Qaadiyaniyon, Sulahkulliyon Waghairahum Ke Makr-O-Sharr-O-Kaid-O-Fitnon Se Mehfooz-O-Maamoon Farmaaye Aameen. بحرمة حبيبہ الاکرم صلی اللہ تعالیٰ علیہ و علی آله و صحبہ و ابنہ الغوث الاعظم و حزبه اجمعین و بارک و سلم

Faqeer Gadaaye Baargaah-E-Mushahid

Muhammad Faaran Raza Khan Hashmati Ghafarallahu Al-Quva

Naayib Sadar-Ul-Mudarriseen Al-Jaamiatul Hashmatiya Mushahid Nagar Mahim Gonda

Huzoor-E-Akram (صلی اللہ تعالیٰ علیہ و علی آلہ وسلم) Ko Ma'az Allah Bechaara, Bekas, Aur

Bebas Kehne Waaloñ Ke Khilaaf

Imaam-E-AhleSunnat Mujaddid-E-Aazam-E-Deen-O-Millat Sayyiduna Sarkaar AalaHazrat
Azeem-UI-Barkat (Quddasa Sirrahu) Ka Imaan Afroz, Baatil Soz

MUBARAK FATWA

..... Allah Ta'ala Ka Farmaan-E-Mubaarak "Allah Ta'ala Ne Aapko Haajatmand Paaya To Ghani Kardiya. Waazeh Taur Par Shaahid Hai Ke Allah Ta'ala Ne Aapko Ghani Kardiya Hai. Jisse Haajatmandi Waala Wasf Zaayil Ho Chuka Hai. Lihaaza Iske Baad Huzoor-E-Aqdas (صلی اللہ تعالیٰ علیہ و علی آلہ وسلم) Ka Yeh Wasf Bayaan Karna Hargiz Jaayez Nahin.....

..... "Raha Lafz Bechaara, Wo Un Sab Se Sakht Tarr, Bechaara Wo Ke Kisi Balaa Mein Giraftaar Aur Bekas, Bebas, Be-Yaavar, Be-Yaar Ho Jo Isse Khalaas Ka Koi Heela Na Paaye, Yeh Zaroor Huzoor-E-Aqdas (صلی اللہ تعالیٰ علیہ و علی آلہ وسلم) Aur Unke Rabb Azzawajal Par Ifteraa Aur Quraan-E-Azeem Ki Takzeeb Aur Kuffaar-E-Malaa'inah Ki Tasdeeq Hai.....

To Yeh Mal'oon Kalma In Pehluon Se Bhi Mal'oon-O-Khabees Tarr Hai, Zaid Be-Qaid Khud Bhi Jaanta Tha Ke Yeh Sabse Bad-tarr Hai, Wa Lihaaza Ek Baar Ke Banaavat Par Aaya Isi Ko Soch Bichaar Banaaya Aur Isse Bhi Hazaar Darje Mal'oon Tarr Uska Wo Naapaak Najis Ganda Khabees Qaul Hai Ke Maine To Yehi Kaha Hai, Allah Ta'ala Yun Farmaa Raha Hai **Isse Khul Gaya Ke Wo Zaroor Bad-Deen Gumraah Faasid-UI-Aqeeda Mukhtalul Imaan Balke Zaahiran Bil-Qasd Murtakib-E-Tauheen-E-Huzoor Sayyidul Insi Wal Jaan Hai**, صلی اللہ تعالیٰ علیہ و علی آلہ وسلم, Uska Waaz Sunna Haraam, Uske Paas Baithna Haraam, Usse Milna Julna Haraam, Usse Salaam Alaik Karna Haraam, Apni Taqreeb Mein Use Bulaana Haraam Apna Koi Deeni Kaam Agarche Sirf Nikah-Khwaani Ho Use Supurd Karna Haraam,

[Fatawa Razviyah Shareef; Jild-6; Safa-129]

HUZOOR ALAIHIS-SALAATU WAS-SALAAM KO MA'AZ ALLAH BEBAS KEHNE WAALE KI HIMAAAYAT-O-TARAFDAARI KARNE WAALOÑ KE KHILAAF FATWA

"Is Haalat-E-Sharr-O-Zalaalat Par Jo Iske Mu'aavin Haiñ Sab Isi Ke Misl Haiñ Aur Un Sabke Yehi Ehkaam

قال الله تعالى ومن يتولهم منهم فانهم طهر الله ارض من خبثهم وخبث امثالهم ولا حول ولا قوة الا بالله العلي العظيم وصلى الله تعالى على سيدنا ومولانا محمد وآله وصحبه اجمعين آمين, والله تعالى اعلم-

[Fatawa Razviyah Shareef; Jild-6; Safa-129]

بِسْمِ اللَّهِ الرَّحْمَنِ الرَّحِيمِ
 اللَّهُ رَبُّ مُحَمَّدٍ صَلَّى عَلَيْهِ وَسَلَّمَ
 وَعَلَى ذَوْنِهِ وَصَحْبِهِ أَبَدَ الدُّهُورِ وَكَرَمًا

Daal Di Qalb Meiñ Azmat-E-Mustafa;

Sayyadī AalaHazrat Pe Laakhoñ Salaam!

Maslak-E-AalaHazrat Ko Raushan Kiya;

Mazhar-E-AalaHazrat Pe Laakhoñ Salaam!

Ya Naayib-E-Ghausul Wara Yaa Mazhar-E-Ahmad Raza;

Bul Fatah Yaa Sayyadī Sher-E-Raza Imdaad-Kun!

Mere Pyaare Sunni Bhaiyo! Assalamu Alaikum Warahmatullaahi Wabarakatuhu. Khuda-O-Rasool (جل جلاله و صلى الله تعالى عليه و على آله وسلم) Ke Jumla Gustaakhoñ Se Parhey-O-Doori Ikhtiyaar Karne Ka Hukm Humko Quraan-O-Hadees Ne Diya. Jisko Baraabar Har Zamaane Meiñ Sahāba-E-Kiraam Se Lekar Aaj Tak Ulama-E-Haq Bayaan Karte Rahe.

Aur In Shaa Allah Ta'ala Bayaan Karte Raheñge. Yeh Baat Achi Tarah Se Jaan Lo Ke Jaan-E-Imaan Aur Madaar-E-Nijaat Aur Tamaam Faraayiz-O-Waajibaat Ki Asl Rabb Ta'ala Ke Pyaare Mehboob Huzoor-E-Akram (صلى الله تعالى عليه و على آله وسلم) Ki Sachī Muhabbat-O-Ta'zeem-O-Tauqeer Aur Unki Ittebaa' Aur Unki Pairvi-O-Ghulaami Hai. Jaisa Ke Khud Quraan-E-Paak Meiñ Rabb Tabaaraka Wa Ta'ala Apne Mehboob (صلى الله تعالى عليه و على آله وسلم) Ki Ittebaa'-O-Pairvi Ke Talluq Se Irshaad Farmaata Hai:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ

(Aye Mehboob Aap Farmaado Agar Tum Allah Se Muhabbat Karte Ho To Meri Ittebaa' Karo, Allah Tumheñ Apna Mehboob Bana Lega)

Lihaaza Bohot Saaf Taur Se Yeh Baat Malum Hogayi Ke Koi Bhi Shakhṣ Namaaz Padhe, Roza Rakhe, Zakat Adaa Kare Aur Poori Umar Allah Ki Muhabbat Ka Dam Bharey, Lekin Baghair Mehboob Ki Ittebaa'-O-Pairvi-O-Ghulaami Ke Kuch Haasil Nahiñ Ho Sakta.

Jaisa Ke Sarkaar AalaHazrat (Quddasa Sirrahu) Fataawa Razviyah Shareef Meiñ Farmaate Haiñ Ke:

"Nabī-E-Kareem (صلى الله تعالى عليه و على آله وسلم) Ki Taazeem-O-Tauqeer Musalmaan Ka Ayin-E-Imaan Hai Aur Uski Khoobi-O-Ta'reef Quraan-E-Azeem Se Mutlaqan Saabit Hai."

Aur Mazeed Ek Maqaam Par Farmaate Haiñ Ke: "Umar Bhar Ki Ibaadat Ek Taraf Aur Khuda-O-Rasool Ki Muhabbat Ek Taraf. Agar Muhabbat Nahiñ To Sab Ibaadaat-O-Riyaazaat Bekaar."

Aur Iske Ilaawa Aap Dekheñ Jaisa Ke Bukhari Shareef Kitaab-UI-Imaan Meiñ Yeh Hadees-E-Paak Maujood Hai:

عن انس رضي الله تعالى عنه قال قال رسول الله صلى الله تعالى عليه وسلم لا يؤمن احدكم حتى اكون احب اليه من والده وولده
 والناس اجمعين

Malum Hua Ke Har Farz-O-Wajib Aur Har Sunnat-O-Nafil Ki Jaan Balke Jaan-E-Imaan Nabi Pyaare (صلى الله تعالى عليه و على آله وسلم) Ki Sachī Muhabbat Hai Jis Par Beshumaar Quraan-E-Kareem Ki Aayateñ Aur Ahaadees-E-Mubaarakah Shaahid Haiñ. Balke Huzoor-E-Aqdas (صلى الله تعالى عليه و على آله وسلم) Ki Tazeem-O-Tauqeer Musalmaanoñ Ka 'Ayin-E-Imaan Hai Jiski Khoobi Quraan-E-Azeem Se Mutlaqan Saabit Hai. Allah Tabaaraka Wa Ta'ala Farmaata Hai:

إِنَّا أَرْسَلْنَاكَ شَاهِدًا وَمُبَشِّرًا وَنَذِيرًا – لِّتُؤْمِنُوا بِاللَّهِ وَرَسُولِهِ وَتُعَزِّرُوهُ وَتُوَقِّرُوهُ ۖ وَتُسَبِّحُوهُ بُكْرَةً وَأَصِيلًا -

(Para-26; Surah Al-Fatah; Aayat-8,9; Ruku-9)

Tarjuma: Aye Nabi Beshak Humne Tumheñ Bheja Gavaah Aur Khushkhabri Deta Aur Dar Sunaata Taake Aye Logo Tum Allah Aur Uske Rasool Par Imaan Lao Aur Rasool Ki Tazeem-O-Tauqeer Karo Aur Subh-O-Shaam Allah Ki Paaki Bolo.

Sach Farmaaya Aqa-E-Nemat Imam-E-AhleSunnat Mazhar-E-Imam-E-Aazam Sayyiduna Huzoor AalaHazrat (Radi Allahu Ta'ala Anh) Ne, Jisko Khaas Kar Wo Hazraat Kaan Khol Kar Sunleñ Jo Sirf Apne Zaahiri Ilm-O-Amal-O-Jubba-O-Dastaar Aur Ibaadat Par Naaz-O-Ghamand Karte Aur Ahle-Imaan Ko Hiquarat Ki Nazar Se Dekhte Haiñ Ke:

"Jab Tak Nabi-E-Kareem (صلی اللہ تعالیٰ علیہ و علی آلہ وسلم) Ki Sachí Tazeem Na Ho, Umr Bhar Ibaadat-E-Ilaahi Meiñ Guzaarey, Sab Bekaar-O-Mardood Hai. Bohoterey Jogi Aur Raahib Tark-E-Dunya Karke Apne Taur Par Zikr-O-Ibaadat-E-Ilaahi Meiñ Umr Kaat Dete Haiñ, Balke Unmeiñ Bohot Wo Haiñ Ke Laa Ilaaha Illallaah Ka Zikr Seekhte Aur Zarbeiñ Lagaate Haiñ, Magar Azaan Jaa-Ke Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tazeem Nahiñ Kya Faída? Asalan Qaabil-E-Qubool-E-Baargaah-E-Ilaahi Nahiñ, Allah Azzawajal Aisoñ Hi Ko Farmaata Hai,

وَقَدِمْنَا إِلَىٰ مَا عَمِلُوا مِنْ عَمَلٍ فَجَعَلْنَاهُ هَبَاءً مَنْثُورًا

(Para-19; Surat Al-Furqaan; Aayat-23; Ruku-1)

Tarjuma: Jo Kuch A'maal Unhone Kiye Humne Sab Barbaad Kardiye.

Aisoñ Hi Ko Farmaata Hai:

عَامِلَةٌ نَّاصِبَةٌ تَصْلِي نَارًا حَامِيَةً

(Para-30; Surat Al-Ghaashiyah; Ruku-13; Aayat-3,4)

Tarjuma: Kaam Kareiñ Mashaqqat Jheleiñ Jaayeñ Bhadakti Aag Meiñ.

Wal 'Iyaazu Billaahi Ta'ala.

Musalmaano! Kaho Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tazeem Madaar-E-Imaan-O-Madaar-E-Nijaat-O-Madaar-E-Qubool-E-A'maal Huvi Ya Nahiñ? Kaho Huvi Aur Zaroor Huvi. Tabhi To Sarkaar AalaHazrat (Quddasa Sirrahu) Pukaar Uth-te Haiñ;

Saabit Huva Ke Jumla Faraayiz Furoo' Haiñ;

Asl-Ul-Usool Bandagi Us Taajvar Ki Hai!

Aur Isi Meiñ Aage Irshaad Farmaate Haiñ:

Noor-E-Ilaah Kya Hai Muhabbat Habeeb Ki;

Jis Dil Meiñ Ye Na Ho Wo Jagah Khook-O-Khar Ki Hai!

Lekin Yahaan Par Ek Zaruri Baat Aur Ehem Nukta Balke Ek Wo Dusra Pehlu Jiske Baghair Ishq-O-Muhabbat Ka Naara Bhi Kaam Ka Nahiñ. Jisko Samajhna Bohot Zaruri Hai. Balke Is Daur-E-Sulahkulliyat Meiñ To Ashad Zaruri Hai Kyuñke Ishq-E-Rasool Ka Naara To Bohot Log Lagaate Rehte Haiñ Aashiq-E-Rasool Hone Ka Daawey To Bohot Saare Log Kar Rahe Haiñ, Lekin Kya Sirf Logoñ Ke Daawoñ Aur Naaroñ Ki Buniyaad Par Hum Unko Aashiq-E-Rasool Maan Leiñ? Sirf Harii Ya Safeyd Pagdiyaan Baandh Lene Waaloñ Ya Sirf Miswaak Jeyboñ Meiñ Lagaakar Sunnatoñ Ka Mehez Dikhaawa Karne Waaloñ Ko Aashiq-E-Rasool Maan Leiñ? Aur Wo Alaamaat-O-Nishaaniyaan Jinka Paaya Jaana Ek Momin Hone Ke Liye Zaruri Hai Unko Na Dekha Jaaye? Zaroor Dekha Jaayega Jaisa Ke Khud Aqaa-E-Nemat Huzoor AalaHazrat (Radi Allahu Ta'ala Anh) Sunni Musalmaanoñ Se Kitaab-E-Mustataab "Tamheed-E-Imaan" Shareef Meiñ Farmaate Haiñ Is Aayat-E-Kareema Ka Zikr Karne Ke Baad Ke:

TUMHAARA RABB AZZAWAJAL IRSHAAD FARMAATA HAI:

اَلَمْ اَحْسِبِ النَّاسَ اَنْ يَتْرَكُوْا اَنْ يَقُوْلُوْا اٰمَنَّا وَهُمْ لَا يُفْتَنُوْنَ

(Para-20; Surah Al-'Ankaboot; Ruku-13; Aayat-1,2)

Tarjuma: Kya Log Is Ghamand Mein Haiñ Ke Itna Keh Lene Par Chod Diye Jaayeñge Ke Hum Imaan Laaye Aur Unki Aazmaayish Na Hogi?

Musalmaano! Is Aayat-E-Kareema Ke Baad Huzoor AlaHazrat (Quddasa Sirrahu) Ka Yeh Irshaad Suno! Farmaate Haiñ:

"Yeh Aayat Musalmaanoñ Ko Hoshiyaar Kar Rahi Hai Ke Dekho Kalma-goi Aur Zubaani Iddi'aaye Musalmaani Par Tumhaara Chutkaara Na Hoga Haañ Haañ Sunte Ho! Aazmaaye Jaoge, Aazmaayish Mein Poore Nikle To Musalmaan Thehroge. Har Shaye Ki Aazmaayish Mein Yehi Dekha Jaata Hai Ke Jo Baatein Uske Haqeeqi-O-Waaqayi Hone Ko Darkaar Haiñ, Wo Usmein Haiñ Ya Nahin?

Abhi Quraan-O-Hadees Irshaad Farmaa Chukey Haiñ Ke Imaan Ke Haqeeqi-O-Waaqayi Hone Ko Do Baatein Zaroor Haiñ:

1): Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tazeem.

2): Aur Muhammadur-Rasoolullah (صلی اللہ تعالیٰ علیہ و علی آلہ وسلم) Ki Muhabbat Ko Tamaam Jahaan Par Taqdeem.

To Uski Aazmaayish Ka Yeh Sareeh Tareeqa Hai Ke Tumko Jin Logoñ Se Kaisi Hi Tazeem, Kitni Hi Aqeedat, Kitni Hi Dosti, Kaisi Hi Muhabbat Ka Ilaaqa Ho, Jaise **Tumhaare Baap, Tumhaare Ustaad, Tumhaare Peer, Tumhaari Aulad, Tumhaare Ahbaab, Tumhaare Bade, Tumhaare As-haab Tumhaare Molvi, Tumhaare Haafiz, Tumhaare Mufti, Tumhaare Waa'iz** Waghaira Waghaira Kasey Baashad, Jab Wo Muhammadur-Rasoolullah (صلی اللہ تعالیٰ علیہ و علی آلہ وسلم) Ki Shaan Mein Gustaakhi Karein, Asalan Tumhaare Qalb Mein Unki Azmat, Unki Muhabbat Ka Naam-O-Nishaan Na Rahe Fauran Unse Alag Hojao, Unko Doodh Se Mak-khi Ki Tarah Nikaal Kar Pheyñk Do, Unki Soorat, Unke Naam Se Nafrat Khao, **Phir Na Tum Apne Rishte Ilaaqey Dosti, Ulfat Ka Paas Karo, Na Uski Molviyat, Masheekhah, Buzurg, Fazeelat Ko Khatrey Mein Lao Ke Aakhir Yeh Jo Kuch Tha Muhammadur-Rasoolullah (صلی اللہ تعالیٰ علیہ و علی آلہ وسلم) Hi Ki Ghulaami Ki Binaa Par Tha Jab Yeh Shakhs Unhi Ki Shaan Mein Gustaakh Huva Phir Humein Usse Kya Ilaaqa Raha? Uske Jubbey Amaamey Par Kya Jaayein?**

Kya Bohoterey Yahoodi Jubbey Nahin Pehente? Amaamey Nahin Baandhte? Uske Naam-E-Ilm Wa Zaahiri Fazl Ko Lekar Kya Karein! Kya Bohoterey Paadri Ba-Kasrat-E-Falsafi Bade Bade Uloom-O-Funoon Nahin Jaante? Aur Agar Yeh Nahin Balke Muhammadur-Rasoolullah (صلی اللہ تعالیٰ علیہ و علی آلہ وسلم) Ke Muqaabil Tumne Uski Baat Banaani Chaahi (Uski Taraf Se Vakaalat Ki) Usne Huzoor Se Gustaakhi Ki Aur Tumne Usse Dosti Nibhaayi Ya Usey Har Burey Se Badtar Bura Na Jaana Ya Usey Bura Kehne Par Bura Maana Ya Isi Qadar Ke Tumne Is Amr Mein Be-Parvaahi Manaayi Ya Tumhaare Dil Mein Uski Taraf Se Sakht Nafrat Na Aayi To Lillah Ab Tum Hi Insaaf Karlo Ke Tum Imaan Ke Imtehaan Mein Kahaañ Pass Huve? Quraan-O-Hadees Ne Jis Par Husool-E-Imaan Ka Madaar Rakha Tha Usse Kitni Door Nikal Gaye.

Musalmaano! Kya Jiske Dil Mein Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tazeem Hogi Wo Unke Bad-go (Gustaakh Wahabi Devbandi Murtad Waghairahum) Ki Wuq'at Kar Sakega? Agarche Uska Peer Ya Ustad Ya Pidar Hi Kyun Na Ho Kya Jise Muhammadur-Rasoolullah (صلی اللہ تعالیٰ علیہ و علی آلہ وسلم) Tamaam Jahaan Se Zyaada Pyaare Hoñ Wo Unke Gustaakh Se Fauran Sakht Shadeed Nafrat Na Karega? Agarche Uska Dost Ya Biraadar Ya Pesar Hi Kyun Na Ho, Lillah Apne Haal Par Rehem Karo".

Aye Sunnī Musalmaano! Hamare Aur Tumhaare Aaq Huzoor AalaHazrat (Radi Allahu Ta'ala Anh) Ki Mazkoora Tamheed-E-Imaan Shareef Ki Ibaarat-E-Imaani Ko Zara Nigaah-E-Imaani Se Dekho Aur Padho, Sirf Dekho Aur Padho Hi Nahiñ Balke Is Mazhar-E-Imam-E-Aazam Ke Ek Ek Jumle Par Ghaur Karo Aur Imaan Bachao.

1): Huzoor AalaHazrat (Radi Allahu Ta'ala Anh) Ne Quraan-E-Paak Se Saabit Farmaaya Ke Tumhaara Imtehaan Hoga, Sirf Naarey Se, Sirf Ilm Se, Sirf Pagdi Aur Amaamey Se, Ya "Naam Nihaad Dawat-E-Islami" Ya "Naam Nihaad Sunni Dawat-E-Islami" Meiñ Jud Jaane Se Ya Uska Muballigh Banne Se Ya Sirf Jeyboñ Meiñ Lambi Lambi Miswaak Lagaa Lene Se Ya Jamaat-E-Islami Aur Tableeghi Jamaat Ki Tarz Par Qaafiley Meiñ Nikal Jaane Se Ya Sirf Tableegh, Tableegh Ka Dhindora Peet Lene Se Ya Sirf Chand Duayeiñ Yaad Karlene Se Ya Sirf Masaajid Meiñ Aitekaaf Karlene Se Ya Tableegh Ka Dikhaava Karke Logoñ Se Meethi Meethi Baateiñ Karlene Se Ya Jalse Aur Julosoñ Meiñ Lambey Lambey Bhaashan Dene Se Ya Mehez Deegar Af'al-E-Zaahiri Se Ba-Taur-E-Tasannu', Koi Bhi Sunni Ya Aashiq-E-Rasool Nahiñ Hojaata. Balke Tumhara Imtehaan Hoga.

Aur Aye Imaan Ke Daawedaaro! Jannat Ke Talabgaaro! Suno! Sarkaar AalaHazrat (Radi Allahu Ta'ala Anh) Aage Irshaad Farmaate Haiñ. **"Aazmaayish Meiñ Poorey Nikle To Tum Musalmaan Thehroge"**

Is Farmaan Ki Raushni Meiñ Zara Ghaur Karo Ke Aaj Degree Aur Result To Har Koi Lena Chaahta Hai Lekin Imtehaan Ki Manziloñ Se Guzarne Ko Tayyaar Nahiñ Hota, Balke Katrina Hai, Aur Apni Jaan Bachaata Hai. Aur Jaise Bann Padhti Hai Heeley Bahaane Banaata Hai. Socho! Kya Aisa Shakhs Degree Haasil Karlega, Kya Use Result Miljaayega? Hargiz Nahiñ.

Musalmaano! Tumne Apne Deen-O-Imaan Ko Samajh Kya Rakha Hai? Tum Apni Dunya Meiñ To Bade Chaalaak-O-Hoshiyaar Nazar Aate Ho Kya Tum Apni Roz Marra Ki Zindagi Nahiñ Dekhte? Ke Aaj Zaahiri Taleem Ke Bade Charche Haiñ Aur Dunyavi Degree-oñ Ki Bahaareñ Haiñ Lekin Socho! Yeh Dunyavi Hindi English Ki Digriyaan Haasil Karne Ke Liye Tum Kya Kuch Nahiñ Karte Ho. Gharbaar, Dost-O-Ahbaab, Azeed-O-Aqaarib Ko Chodte Ho Balke Sach To Yeh Hai Ke Kuch Bhi Karne Ko Tayyaar Rehte Ho. Imtehaan Meiñ Pass Hone Ke Liye Kya Kya Mehnat Nahiñ Karte Ho Aur Kaunsi Museebat Nahiñ Uthaate Ho. Sab Bardaasht Karte Jaate Ho Lekin Uff Nahiñ Karte, Na Gharwaale Chillaate Na Baahar Waale Rotey Balke Sabse Daad-O-Tehseen Haasil Karte Ho. Us Waqt To Na Aapke Ilaaqey Ke Imam Saahab Kuch Kehate Na Molvi Saahab Toktey Na Peer Ji Bolte. Balke Sabka Naara Ek Hota Hai *"Padhe Jao Beta Padhe Jao, Ilm Seekhna Zaruri Hai"* Balke Harkas-O-Naakas Aise Waqt Par Muhaddis Ban Kar Hadees Sunaata Hai Ke Ilm Seekhna Sab Par Farz Hai. Aur Yeh Kuch Na Jaante Ke Is Hadees Shareef Se Kya Muraad Hai Aur Kaunse Uloom Maqsood Haiñ? Balke Sirf Yehi Ratt Lagaate Haiñ Ke *"Padhe Jao"* Kya Padho Aur Kaunse Uloom Haasil Karo Yeh Tafseel Nahiñ Jaanta Ya Jaanta Magar Bataata Nahiñ.

Afsos Ke Hadees Shareef To Sarkaar Ki Sunaayi Jaaye Aur Yahood-E-Nasaara Aur Neychariyoñ Ki Wo Kitaabeñ Jo Najaane Kitne Aqwaal-E-Kufriya Zaal-lah Par Mushtamil Hoti Haiñ Padhaayi Jaayeñ. **Ma'az Allahi Rabbil 'Aalameen.** Kya Yeh Ek Bohot Bada Dhoka Aur Ighvaaye Muslimeen Wa Bad-Khwaahi-E-Muslimeen Nahiñ Hai? Zaroor Hai. Kyuñke Ilm To Wo Hai Jiske Zariye Khuda-O-Rasool (جل جلاله و صلى الله تعالى عليه و على آله وسلم), Pyaare Sahaaba-O-Ahlebayt, Wa Jumla Hazraat-E-Awliya-E-Kiraam (Radi Allahu Ta'ala Anhum Ajma'een) Ki Sachi Muhabbat-O-Aqeedat Aur Ghulaami Haasil Ho. Aur Un Sabke Jumla Dushmanoñ Bil-Khusoos Devbandi, Wahabi, Rafzi, Jamaati, Neychari, Chakdaalvi Waghairahum Jumla Murtaddeen-O-Mushrikeen Kuffaar-O-Mulhideen Wa Be-Deenoñ Se Sakht Nafrat Paida Ho Aur Unse Hadees Shareef Ke Ba-Moojib Kaamil Taur Se Parheyz Kiya Jaaye. Lekin In Uloom-E-Asliyah Aqaayid-E-AhleSunnat Par To Raushni Na Daali Jaaye Aur Talqeen Na Ki Jaaye Aur Is Zaruri Ehem Imtehaan Ki Baat Na Ki Jaaye. Yeh Kahaañ Ka Insaaf Hai?

Aye Sunnī Musalmaano! Dil Par Haath Rakhkar Khuda-O-Rasool Ko Yaad Karke Kal Hisaab Dene Ka Khayaal Karke Insaaf Aur Sachaayi Se Batao Ke Is Dunyavi School Aur College Ki Degree Aur Imtehaan Ke Liye Tumne Kya Kya Mehnat Na Ki. Kabhi Ghar Choda To Kabhi Dukaan Bhi Band Ki, Kabhi Naqd Liya To Kabhi Udhaar Se Kaam Chalaaya. Kabhi Khaandaan Ki Shaadi Ko Choda Kabhi Dost-O-Ahbaab Ki Mehfil Ko Tark Kiya, Kabhi Raat Raat Garmi Meiñ Jaag Kar To Kabhi Sardi Meiñ Kambal Odh Odh Kar Tumne Kitni Mehnateñ Keeñ. Is Dunyavi Imtehaan Aur Degree Ke Liye.

Ab Zara Itni Mehnateñ Kame Waale Se Pucho Ke Iski Wajah Kya Hai? To Siwaaye Iske Aur Jawaab Kya Milega Ke Humne Imtehaan Meiñ Mehnateñ Isliye Keeñ Taake Ooñchi Aur Achi Digriyaan Haasil Hojaayeñ. Aur Dunyavi

Ooñchi Aur Achi Achi Naukriyaañ Mil Jaayeñ Aur Iske Baad Achi Tankhwaahēñ Milna Shuru Hojaayeñ. Yaani Saari Kahaani Aur Mehnatoñ Ka Nichod Aap Dekheñge To Aakhir Meñ Nateeja Yehi Niklega Ke Yeh Saari Mehnateñ Aur Mashaqqateñ, Dost-O-Ahbaab Se Judaayi, Yeh Raatoñ Raat Ka Jaagna, Yeh Su'oobateñ (Museebateñ) Bardaasht Karna Sab Ka Sab Sirf Aur Sirf Moti Tankhwaah, Achi Khaasi Raqam Aasaayish-E-Dunya-O-Shohrat-E-Dunya Haasil Karne Ke Liye Tha.

Yahaan Hamaara Maqsad Is Mazmoon Se Yeh Qata'an Nahin Hai Ke Aap Shari'at-E-Rasool (صلی اللہ تعالیٰ علیہ و علیہ وسلم) Ki Paasdaari Karte Huve Aur Hudood-E-Shara' Meñ Rehte Huve Padhaayi Na Kareñ Ya Mehnateñ Na Kareñ. Ya Rizq-E-Halaal Ki Justuju Meñ Na Raheñ. (Lekin In Sab Cheezoñ Ke Liye Shara'-E-Mutahhar Ne Hudood Muqarrar Kardiye Haiñ) Magar Haaye Be-Insaafi Wo Dunyavi Uloom Jo Mehez Husool-E-Dunya Ki Khaatir Haasil Kiye Gaye Us Par To Yeh Juhhaal-E-Laayim Hadees Shareef Sunaakar Farz Thehraayeñ Aur Asal Maqsood-E-Hadees Ko Yaksar Hazam Kar Jaayeñ. Nahin Nahin Balke Ulta Asal Maqsood-E-Hadees Bayaan Karne Waaloñ Ko Be-Tehzeeb-O-Bad-Lagaam Bataayeñ. Bas Chaley To Use Kacha Nigal Jaayeñ. **ولاحول ولاقوة الا بالله العظیم**

Pehli Cheez Yeh Ke Aap Padheñ English Aur Hindi, Sanskrit Aur Marathi. Aur Aapka Matlab Sirf Aur Sirf Dunya Na Ke Deen-O-Imaan, Ajab Jahaalat Yeh Ke Is Par Yeh Hadees Shareef Pesh Ki Jaaye Ke *"Ilm Haasil Karna Har Mard Aurat Par Farz Hai"*.

Aur Is Par Kamaal-E-Hairat Yeh Ke Ba-Qaul Aqaa-E-Nemat Huzoor AalaHazrat Jaisa Ke Fataawa Razviyah Shareef Meñ Irshaad Farmaaya *"Neem Mulla Khatra-E-Imaan"*. Aise Najaane Kitne Aaj Ke Aadhe Adhoore Molvi Aur Mufti Saahab Bhi Haañ Meñ Haañ Milaate Huve Tarafdaari Karte Huve Nazar Aate Haiñ.

Lekin Yeh Bilkul Na Bataayeñ Balke Shaayad Khud Na Samajh Paayeñ Ke Is Hadees Shareef Se Kaunsa Ilm Muraad Hai, Kaisa Aur Kitna Ilm Muraad Hai, Kya Isse Muraad "Inter", "High School", Ya "B.A." Ya "MBA" Hai? Balke Jo Is Hadees Shareef Hi Ke Pesh-E-Nazar Laghv Aur Fuzool Hai Aur Baaz To Najaayez-O-Haraam Tak Haiñ. Kya Daur-E-Jaahiliyat Hai, Kaha Kuch Jaaye Kiya Kuch Jaaye. Hadees Shareef Kuch Ho Matlab Kuch Aur Bayaan Kiya Jaaye.

انا لله وانا اليه راجعون!

Agar Kisiko Is Hadees-E-Paak Ki Mubaarak Aur Nafees Tauzeeh-O-Tashreeh Dekhna Ho To Wo Chaudhveñ (14th) Sadii Ke Mujaddid-E-Aazam-O-Muhaddis-E-Aazam Huzoor AalaHazrat (Radi Allahu Ta'ala Anh) Ki Fataawa Razviyah Shareef Ka Bit-Tafseel Mutaala Kare To In Shaa Allah Ta'ala Usko Imaani Noor Aur Qalbi Suroor Haasil Hojaayega. Aur Achi Tarah Samajh Meñ Aajaayega Ke Is Hadees Shareef Se Kaunsa Ilm Muraad Hai.

Al-Mukhtasar Hum Apne Maqsad-E-Asli Ki Jaanib Laut-te Huve Sunni Musalmaanoñ Se Phir Wohi Mubaarak Alfaaz Dohraana Chaaheñge Jo Tamheed-E-Imaan Shareef Meñ Huzoor AalaHazrat (Radi Allahu Ta'ala Anh) Ne Aayat-E-Quraani Ki Raushni Meñ Irshaad Farmaaye Haiñ:

"Aazmaaye Jaoge, Aazmaayish Meñ Poore Nikley To Musalmaan Thehroge"

Ab Zara Thodi Guftugu Is Aazmaayish Aur Imtehaan Par Bhi Karli Jaaye Aur Kyuñ Na Aap Sab Ka Bhi Imtehaan Abhi Naqd Leliya Jaaye, Taake Quraan-O-Hadees Ki Barkatoñ Se Sach Khulkar Saamne Aajaaye. Aur Yeh Haqeeqat Bhi Khul Jaaye Ke Aapke Liye Aapka Deen Pehle Hai Ke Dunya, Aapko Dunya Zyaada Pyaari Hai Ya Apna Pyaara Deen? Aap Kiske Liye Kitne Sanjeedah Haiñ? Yeh Abhi Khula Jaata Hai. Zara Sanjeedah Hojaayiye Aur Dil Ke Kaanoñ Se Suniye. Aage Ki Baatoñ Par Ghaur Kijiye.

Ek To Pehli Cheez Huzoor Sayyid-E-Aalam (صلی اللہ تعالیٰ علیہ و علیہ وسلم) Ki Tazeem Aur Huzoor Aqa-O-Maula (صلی اللہ تعالیٰ علیہ و علیہ وسلم) Ki Muhabbat Ko Tamaam Jahaan Par Taqdeem. Ab Iski Aazmaayish Aur Imtehaan Ka Tareeqa Khud Sarkaar AalaHazrat (Radi Allahu Ta'ala Anh) Se Suno. Aur Sirf Suno Hi Nahin Balke Samjho Aur Sirf Samjho Hi Nahin Balke Dil Meñ Utaar Lo. Taake In Shaa Allah Ta'ala Imtehaan Meñ Kaamiyaab Hokey Jannat Meñ Jao. Huzoor AalaHazrat (Radi Allahu Ta'ala Anh) Irshaad Farmaate Haiñ:

"To Uski Aazmaayish Ka Yeh Sareeh Tareeqa Hai Ke Tumko Jin Logoñ Se Kaisi Hi Tazeem, Kitni Hi Aqeedat, Kitni Hi Dosti, Kaisi Hi Muhabbat Ka Ilaaqa Ho, Jaise Tumhaare Baap, Tumhaare Ustaad, Tumhaare Peer, Tumhaari

Aulaad, Tumhaare Ahbaab, Tumhaare Bade, Tumhaare As-haab Tumhaare Molvi, Tumhaare Haafiz, Tumhaare Mufti, Tumhaare Waa'iz Waghaira Waghaira Kasey Baashad.

Jab Wo Muhammadur-Rasoolullah (صلی اللہ تعالیٰ علیہ و علی آلہ وسلم) Kí Shaan Meĩñ Gustaakhí Kareĩñ, Asalan [Bilkul] Tumhaare Qalb Meĩñ Unkí Azmat, Unkí Muhabbat Ka Naam-O-Nishaan Na Rahe, Fauran Unse Alag Hojao, Unko Doodh Se Mak-khí Kí Tarah Nikaal Kar Pheyñk Do, Unki Soorat, Unke Naam Se Nafrat Khao, Phir Na Tum Apne Rishte, Ilaaqey, Dosti, Ulfat Ka Paas Karo, Na Uski Molviyat, Masheekhah, Buzurgí, Fazeelat Ko Khatrey Meĩñ Lao Ke Aakhir Yeh Jo Kuch Tha Muhammadur-Rasoolullah (صلی اللہ تعالیٰ علیہ و علی آلہ وسلم) Hi Kí Ghulaami Kí Binaa Par Tha. Jab Yeh Shakhs Unhi Kí Shaan Meĩñ Gustaakh Huva Phir Humeĩñ Usse Kya Ilaaqa Raha? **Uske Jubbey Amaamey Par Kya Jaayeĩñ? Kya Bohoterey Yahoodí Jubbey Nahiĩñ Pehente? Amaamey Nahiĩñ Baandhte? Uske Naam-E-Ilm-O-Zaahiri Fazl Ko Lekar Kya Kareĩñ! Kya Bohoterey Paadri, Ba-Kasrat-E-Falsafi Bade Bade Uloom-O-Funoon Nahiĩñ Jaante? Aur Agar Yeh Nahiĩñ Balke Muhammadur-Rasoolullah (صلی اللہ تعالیٰ علیہ و علی آلہ وسلم) Ke Muqaabil Tumne Uskí Baat Banaani Chaahi (Uskí Taraf Se Vakaalat Kí) Usne Huzoor Se Gustaakhí Kí Aur Tumne Usse Dostí Nibhaayi Ya Usey Har Burey Se Badtar Bura Na Jaana Ya Usey Bura Kehne Par Bura Maana Ya Isi Qadar Ke Tumne Is Amr Meĩñ Be-Parvaahi Manaayi Ya Tumhaare Dil Meĩñ Uskí Taraf Se Sakht Nafrat Na Aayi To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve? Quraan-O-Hadees Ne Jís Par Husool-E-Imaan Ka Madaar Rakha Tha Usse Kitní Door Nikal Gaye."**

[Tamheed-E-Imaan Shareef]

Kitne Waazeh Taur Par Yeh Chand Baateĩñ Bayaan Farmaadeeñ:

1): "Muhammadur-Rasoolullah (صلی اللہ تعالیٰ علیہ و علی آلہ وسلم) Ke Muqaabil Tumne Us (Gustaakh Wahabi Devbandi Murtad Waghairahum) Kí Baat Banaani Chaahi" (Uskí Tarafse Vakaalat Ya Safaayi Pesh Karni Chaahi) To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve?

2): "Usne Huzoor Se Gustaakhí Kí Aur Tumne Usse Dostí Nibhaayi". To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve?

3): "Ya Use Har Burey Se Badtar Bura Na Jaana" To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve?

4): "Ya Use (Wahabi Devbandi Ya Kisi Bhi Gustaakh-E-Rasool) Ko Bura Kehne Par Bura Maana". To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve?

5): "Ya Isi Qadar Ke Tumne Is Amr (Radd-E-Wahabiya Wa Devbandiya Wa Firaqahaaye Baatila) Meĩñ Be-Parvaahi Manaayi". To Lillaah Ab Tum Hí Insaaf Karlo Ke Tum Imaan Ke Imtehaan Meĩñ Kahaañ Pass Huve?

Khulaasa: Yeh Ke Jo Sarkaar-E-Do-Aalam (صلی اللہ تعالیٰ علیہ و علی آلہ وسلم) Ke Muqaabil Us Gustaakh Kí Baat Banaaye Wo Imaan Ke Imtehaan Meĩñ Pass Nahiĩñ, Jo Huzoor (صلی اللہ تعالیٰ علیہ و علی آلہ وسلم) Ke Gustaakh Se Dostí Nibhaaye Wo Imaan Ke Imtehaan Meĩñ Pass Nahiĩñ, Jo Gustaakh-E-Rasool (صلی اللہ تعالیٰ علیہ و علی آلہ وسلم) Ko Har Bure Se Badtar Bura Na Jaane Wo Imaan Ke Imtehaan Meĩñ Pass Nahiĩñ Balke Jo Is Amr Yaani Gustaakhaan-E-Rasool (صلی اللہ تعالیٰ علیہ و علی آلہ وسلم) Ke Radd Meĩñ Be-Parvaahi Manaaye Yaani Radd Karne Se Parheyz, Ijtinaab Aur Gureyz Kare Wo Bhi Imaan Ke Imtehaan Meĩñ Pass Nahiĩñ.

Isi Par Bas Nahiĩñ Balke Gustaakhaan-E-Rasool (صلی اللہ تعالیٰ علیہ و علی آلہ وسلم) Kí Taraf Se Jiske Dil Meĩñ Sakht Nafrat Na Aaye Wo Bhi Imaan Ke Imtehaan Meĩñ Pass Nahiĩñ. **نسأل الله العفو والعافية**

Ab Huzoor AalaHazrat Qibla (Quddasa Sirrahu) Kí Zubaani Humeĩñ Bohot Aasaan Alfaaz Ke Saath Imtehaan Meĩñ Pass Hone Ka Nuskha Mausool Hogaya. Jisko Bit-tarteef Yuñ Samjhiye!

1): Muhammadur-Rasoolullah (صلی اللہ تعالیٰ علیہ و علی آلہ وسلم) Ke Muqaabil Humeĩñ Kísí Gustaakh Kí Baat Nahiĩñ Banaani Hai.

2): Huzoor (صلی اللہ تعالیٰ علیہ و علی آلہ وسلم) Ke Gustaakhoñ (Yaani Wahabi Devbandi Rafzi Waghairahum) Se Dosti Nahin Karni Hai.

3): Huzoor (صلی اللہ تعالیٰ علیہ و علی آلہ وسلم) Ke Gustaakhoñ (Yaani Wahabi Devbandi Rafzi Waghairahum) Ko Har Bure Se Badtar Bura Jaan-na Hai.

4): Huzoor (صلی اللہ تعالیٰ علیہ و علی آلہ وسلم) Ke Gustaakhoñ (Yaani Wahabi Devbandi Rafzi Waghairahum) Ko Bura Kehne Par Khush Hona Hai. Balke Is Khushi Ke Kaamoñ Mein Apne Aap Bhi Shareek Hona Hai.

5): Huzoor (صلی اللہ تعالیٰ علیہ و علی آلہ وسلم) Ke Gustaakhoñ (Yaani Wahabi Devbandi Rafzi Waghairahum) Ka Radd Karne Mein Be-Parvaahi Nahin Baratni Hai. Balke Usmein Khoob Khoob Badh Chadhkar Hissa Lena Hai.

Lillah Musalmaano! Socho Aur Apna Khud Ihtisaab Karo Ke Yeh Baatein Jin Par Imtehaan Mein Kaamiyaabi Haasil Karne Ka Daar-O-Madaar Hai Usse Kitni Door Nikal Gaye Ho.

Hamara Maqsad Alfaaz-O-Mazmoon Ka Banao Siingaar Qata'ii Nahin, Balke Hum Baar Baar Ibaarat Laakar, Mubaarak Alfaaz Dohraakar Aap Sab Ko Achi Tarah Bataa Aur Jataa Kar Yeh Sabaq-E-Qadri-O-Razvi Yaad Karaana Chaahte Haiñ. Taake In Shaa Allahu Ta'ala Imtehaan-O-Aazmaayish Mein Kaamiyaab Hojaayein. Aur Humein Yaqeen Hai Ke Agar Aap Ne Is Dars-E-Qadri Razvi Ko Achi Tarah Se Ratt Ratt Kar Hifz Karke Qalb Ki Gehraayiyoñ Mein Mehfooz Karte Huve Is Par Amal Karliya To In Shaa Allah Ta'ala Zaroor Kaamiyaab Hojaayenge.

Ab Zara Sochiye! Devbandi Wahabi Gustaakhaan-E-Khuda-O-Rasool Ne Apni Kitaaboñ Mein Jaise Ke "Hifzul Imaan" Molvi Ashar Faili Thanvi Murtad, "Tehzeer-Un-Naas", "Baraaheen-E-Qaatia" Waghaira Kitaaboñ Mein Kaisi Kaisi Khuli Hui Tauheenein Keeñ. Aur Khullam Khulla Kufr Bakey. Kahiñ Shaitaan Khabees Ke Ilm Ko Huzoor-E-Akram (صلی اللہ تعالیٰ علیہ و علی آلہ وسلم) Se Badhaaya To Kahiñ Khuda Ko Jhoota Bataaya, To Kisi Kitaab Mein Huzoor-E-Akram (صلی اللہ تعالیٰ علیہ و علی آلہ وسلم) Ke Ilm-E-Paak Ko Jaanvaroñ Ki Misl Bataaya, To Kisi Jagah Huzoor Nabi-E-Kareem (صلی اللہ تعالیٰ علیہ و علی آلہ وسلم) Ke Khaatam-Un-Nabiyyeen Hone Se Inkaar Jataaya. **(Ma'az Allahi Rabbil 'Aalameen)** Waghaira Waghaira. Jin Hazraat Ko Un Murtaddeen Ka Radd Karne Ke Liye Unke Kufriyat-E-Khabeesa Mal'oonah Gandey Aur Ghinauney Aqeede Tafseel Se Dekhna Hoñ To Wo *"Hussamul Haramain"* Shareef, *Tamheed-E-Imaan Shareef*, *Shama'-E-Munawwar Rah-E-Nijaat*, *Tajaanib-E-AhleSunnat* Wa Deegar Kutub-E-Ulama-E-Rabbaaniyyeen Ka Mutaala Karein. Balke In Kutub-E-Mubaaraka Ko Har Sunni Sahi-UI-Aqeeda Musalmaan Ko Apne Mutaala Mein Zaroor Rakhna Chahiye. Taake Wahabi Devbandi Jumla Kuffaar-O-Murtaddeen Ke Kufr-O-Irtidaad Se Achi Tarah Waaqif Hokaar, Unki Fareyb-Kaariyoñ Se Aagaah Hote Huve Apne Imaan-O-Aqeede Ko Mehfooz Karein.

Ab Hamare Is Daur Mein Qareeb Qareeb Har Sunni Musalmaan Wahabiyoñ Devbandiyoñ Ko Jaan Aur Pehchaan Chuka Hai. Aur Unko Kaafir-O-Murtad Jaanta Hai. Jo Hamari Buzurgoñ Ki Mehntoñ Aur Qurbaaniyoñ Ka Nateeja Hai. Neyz In 'Anaasir-E-Arba'ah Dayaabana Ki Takfeer Par Ulama-E-Haramain Shareefain Wa Hindostan Ke Ulama Ki Tasdeeqaat Ho Chuki Haiñ.

Magar Aye Sunni Musalmaano! Hum Apne Mazmoon Ke Maqsad Ki Taraf Aate Huve Isi Kitaab-E-Mustataab "Tamheed-E-Imaan" Shareef Ki Tamheed Mein Aap Logoñ Se Puchna Chaahte Haiñ. Ke Aaj Ke Kitne Log Aazmaayish-O-Imtehaan Ke Liye Sanjeedah Haiñ. Kya Yehi Sanjeedgi Hai Ke Kahiñ Wahaabiyoñ Devbandiyoñ Ke Saath Dosti, Kahiñ Devbandiyoñ Ke Saath Shaadi Biyaah, Kahiñ Raafzi Murtaddeen Ke Saath Yaaraana, Kahiñ Wahaabiyoñ Devbandiyoñ Ki Masjid Mein Unke Imam Ke Peeche Namaaz Padhna, Ya Apni Masjid Mein Unke Saath Namaaz Padhna **(Ma'az Allah)** Kahiñ Sirf Zaahiri Ilm-O-Amal Dekhkar Jhuk Jaana, Kahiñ Sirf Pagdi Aur Amaamey Dekhkar Mar'oob Hojaana, Kahiñ Dosti Nibhaane Ke Liye Hadd-E-Shara'ii Se Guzar Jaana, Kahiñ Ittehaad-E-Baatil Ke Be-Surey Geet Gaana, Kahiñ Aazaadi Dene Waale Naam Nihaad Molvi Ji, Mufti Saahab, Peer Saahab Ki Peeth Ke Peeche Takiya, Lagaana Aur Unke Saath Peer-E-Neychar Ki Neychari Tehzeeb Ki Taqleed Karte Huve Khud Gumraah Hona Aur Logoñ Ko Gumraah Banana, **(Ma'az Allah)** Sab Jaante Huve Bhi Naye Naye Bahaane Banaana, Haq Samajhkar Bhi Usse Muñh Churaana, Apne Kirdaar-O-Amal Se Is Maslak-E-Haqqah Ki Dhajjiyaan Udhaana Jis Par Buzurgoñ Ne Apni Pyaari Jaanein Qurbaan Farmaadeen. Aah Aah!!! Kya Yehi Sunniyat Hai? Kya Isi Ka Naam Maslak-E-AalaHazrat Hai? Hargiz Nahin!

Ab Zara Khud Hi Socho Aur Aaq-E-Nemat Huzoor AalaHazrat (Radi Allahu Ta'ala Anh) Ke Wo Pyaare Jumle Phir Suno. Farmaate Haiñ:

"Usne Huzoor Se Gustaakhi Ki Aur Tumne Usse Dosti Nibhaayi, Ya Usey Har Burey Se Badtar Bura Na Jaana, Ya Usey Bura Kehne Par Bura Maana, Ya Isi Qadar Ke Tumne Is Amr Meiñ Be-Parvaahi Manaayi Ya Tumhaare Dil Meiñ Uski Taraf Se Sakht Nafrat Na Aayi, To Lillah Ab Tum Hi Insaaf Karlo Ke Tum Imaan Ke Imtehaan Meiñ Kahaañ Pass Huve? Quraan-O-Hadees Ne Jis Par Husool-E-Imaan Ka Madaar Rakha Tha Usse Kitni Door Nikal Gaye."

Kyūñ Imtehaan Meiñ Pass Na Huve? Aur Quraan-O-Hadees Ne Jis Par Husool-E-Imaan Ka Daar-O-Madaar Rakha Tha Usse Tum Kitni Door Nikal Gaye, Kyūñ Door Nikal Gaye?

In Donoñ Baatoñ Ka Jawaab Aap Log Maa-Qabl Ki Tafseel Se Samajh To Gaye Hoñge Lekin Agar Ab Bhi Na Samjhe Hoñ To Huzoor AalaHazrat (Radi Allahu Ta'ala Anh) Ki Yeh Ibaarat Suniye Aur Ghaur Kijiye Aur Samjhiye Ke Kyūñ Pass Na Huve Aur Kaise Door Nikal Gaye? Huzoor AalaHazrat Farmaate Haiñ:

"Musalmaano! Kya Jiske Dil Meiñ Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tazeem Hogi Wo Unke Bad-go (Gustaakh Wahabi Devbandi Murtad Waghairahum) Ki Wuq'at (Izzat-O-Takreem-O-Ehmiyat) Kar Sakega? Agarche Uska Peer, Ya Ustad, Ya Pidar Hi Kyūñ Na Ho Kya Jise Muhammadur-Rasoolullah (صلی اللہ تعالیٰ علیہ و علی آلہ وسلم), Tamaam Jahaan Se Zyaada Pyaare Hoñ Wo Unke Gustaakh Se Fauran Sakht Shadeed Nafrat Na Karega? Agarche Uska Dost Ya Biraadar (Bhai) Ya Pesar (Beta) Hi Kyūñ Na Ho, Lillah Apne Haal Par Rehem Karo Aur Apne Rabb Ki Baat Dekho Wo Kyūñ Kar Tumheñ Apni Rehmat Ki Taraf Bulaata Hai, Dekho:

TUMHAARA RABB AZZAWAJAL FARMAATA HAI:

لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ وَلَوْ كَانُوا آبَاءَهُمْ أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ ط أُولَئِكَ كَتَبَ فِي قُلُوبِهِمُ الْإِيمَانَ وَأَيَّدَهُم بِرُوحٍ مِّنْهُ ط وَيَدْخُلُهُم جَنَّاتٌ تَجْرِي مِنْ تَحْتِهَا الْأَنْهَارُ خَالِدِينَ فِيهَا ط رَضِيَ اللَّهُ عَنْهُمْ وَرَضُوا عَنْهُ ط أُولَئِكَ حِزْبُ اللَّهِ ط أَلَا إِنَّ حِزْبَ اللَّهِ هُمُ الْمُفْلِحُونَ ط

(Para-28; Surah Al-Mujaadilah Shareef; Ruku-3; Aayat-22)

Tarjuma: Tu Na Paayega Unheñ Jo Imaan Laate Haiñ Allah Aur Qayaamat Par Ke Unke Dil Meiñ Aisoñ Ki Muhabbat Aane Paaye Jinhone Khuda-O-Rasool (جل جلاله و صلى الله تعالى عليه و على آلہ وسلم) Se Mukhaalifat Ki, Chaahe Wo Unke Baap Ya Bête Ya Bhai Ya Azeez Hi Kyūñ Na Hoñ, Yeh Haiñ Wo Log Jinke Diloñ Meiñ Allah Ne Imaan Naqsh Kardiya Aur Apni Taraf Ki Rooh Se Unki Madad Farmaayi Aur Unheñ Baaghoñ Meiñ Lejaayega Jinke Neeche Nehreñ Beh Rahi Haiñ, Hamesha Raheñge Unmeñ, Allah Unse Raazi Aur Wo Allah Se Raazi, Yehi Log Allah Waale Haiñ Sunta Hai Allah Waale Hi Muraad Ko Pahuncha.

Is Aayat-E-Kareema Meiñ Saaf Farmaadiya Ke Jo Allah Ya Rasool (جل جلاله و صلى الله تعالى عليه و على آلہ وسلم) Ki Janaab Meiñ Gustaakhi Kare, Musalmaan Usse Dosti Na Karega, Jiska Sareeh Mufaad Yeh Huva **Jo Usse Dosti Karega (Yaani Wahabi Devbandi Rafzi Jumla Gustaakhaan-E-Khuda-O-Rasool Waghairahum Se) Wo Musalmaan Na Hoga**, Phir Iska Hukm Qata'an Aam Hona Bit-tasreeh Irshaad Farmaaya (Yaani Quraan-E-Paak Ka Hukm Saraahat Ke Saath Sabko Aam Hai. Koi Bhi Ho Jab Gustaakhi Kare To Tumhaare Dil Meiñ Aise Ki Muhabbat Na Aane Paaye) Ke Baap, Bête, Bhai, Azeez Sabko Gina, **Yaani Koi Kaisa Hi Tumhaare Za'am Meiñ Mu'azzam Ya Kaisa Hi Tumheñ Bit-taba' Mehboob Ho, Imaan Hai To Gustaakhi Ke Baad Usse Muhabbat Nahin Rakh Sakte, Uski Wuq'at (Izzat-O-Takreem-O-Ehmiyat) Nahin Maan Sakte Warna Musalmaan Na Rahoge.**

Maula Subhaanahu Wa Ta'ala Ka Itna Farmaana Hi Musalmaan Ke Liye Bas Tha Magar Dekho Wo Tumheñ Apni Rehmat Ki Taraf Bulaata, Apni Azeem Nematoñ Ka Laalach Dilaata Hai, Agar Allah-O-Rasool Ki Azmat Ke Aage Tumne Kisi (Gustaakh Wahabi Devbandi Murtad Waghairahum) Ka Paas Na Kiya, Kisi Se Ilaaqa (Talluq, Dostaana, Yaaraana) Na Rakha To Tumheñ Kya Kya Faide Haasil Hoñge.

1): Allah Ta'ala Tumhaare Diloñ Meiñ Imaan Naqsh Kardega Jismeñ In Shaa Allah Ta'ala Husn-E-Khaatima Ki Bashaarat-E-Jaleela Hai Ke Allah Ka Likha Nahin Mit-ta.

2): Allah Ta'ala Rooh-ul-Quds Se Tumhaari Madad Farmaayega.

3): Tumhein Hameshgi Ki Jannaton Meiñ Lejaayega Jinke Neeche Nehrein Ravaan Haiñ.

4): Tum Khuda Ke Giroh Kehlaoge, Tum Khuda Waale Hojaoge.

5): Muñh Maañgi Muraadein Paoge Balke Umeed-O-Khayaal-O-Gumaan Se Karodon Darje Afzoon.

6): Sabse Zyaada Yeh Ke Allah Tumse Raazi Hoga.

7): Yeh Ke Farmaata Hai Maiñ Tumse Raazi Tum Mujhse Raazi, Bandey Ke Liye Isse Zaayid Aur Kya Nemat Hoti Ke Uska Rabb Usse Raazi Ho Magar Intehaaye Banda Nawaazi Yeh Ke Farmaaya Allah Unse Raazi.

(Aaj Ke Is Inhitaati Daur Meiñ Tum Harkas-O-Naakas Se Madad Ke Talabgaar Rehte Ho, Madad To Nahin Milti Haañ Rusvaayi Zaroor Haath Aati Hai. Aye Kaash! Tum Apne Rabb Ka Hukm Tasleem Karte Yaani Khuda-O-Rasool (جل جلاله و صلى الله تعالى عليه و على آله وسلم) Ki Mukhaalifat Karne Waalon Se Sakht Shadeed Nafrat Karte, Usey Har Bure Se Badtar Bura Jaante, Kaisa Hi Tumhaara Azeed Hota Use Doodh Se Mak-khi Ki Tarah Nikaal Kar Pheyñk Dete, Uske Naam-E-Ilm Aur Zaahiri Fazl Par Na Jaate. Ghaz Allah-O-Rasool (جل جلاله و صلى الله تعالى عليه و على آله وسلم) Ke Gustaakhoñ Se Har Tarah Door Rehte, Kaise Kaise In'aam Paatey, Phir Tumhein Harkas-O-Naakas Se Madad Talab Karne Ki Zaroorat Hi Na Rehti. Dekho Tumhaara Rabb Farma Raha Hai Ke Rooh-ul-Quds Se Tumhaari Madad Farmaayega, Muñh Maañgi Muraadein Balke Umeed-O-Khayaal-O-Gumaan Se Karodon Darje Zyaada Ataa Farmaayega.

Aur Allah Se Zyaada Kiski Baat Sachhi Ho Sakti Hai. ومن اصدق من الله قیلا

TUMHAARA RABB AZZAWAJAL FARMAATA HAI:

يَا أَيُّهَا الَّذِينَ آمَنُوا لَا تَتَّخِذُوا آبَاءَكُمْ وَأَخَوَانَكُمْ أَوْلِيَاءَ إِنِ اسْتَحَبُّوا الْكُفْرَ عَلَى الْإِيمَانِ ط وَمَنْ يَتَوَلَّهُمْ مِنْكُمْ فَأُولَئِكَ هُمُ الظَّالِمُونَ

(Surah Al-Taubah; Aayat-23)

Tarjuma: Aye Imaan Waalo! Apne Baap Apne Bhaiyon Ko Dost Na Banao Agar Wo Imaan Par Kufr Pasand Karein Aur Tum Meiñ Jo Unse Rafaqat Karein Wohi Log Sitamgaar Haiñ.

Aur Farmaata Hai:

يَا أَيُّهَا الَّذِينَ آمَنُوا لَا تَتَّخِذُوا عَدُوِّي وَعَدُوَّكُمْ أَوْلِيَاءَ (الى قوله تعالى) تُسْرُونَ إِلَهُم بِالْمُودَّةِ ق وَأَنَا أَعْلَمُ بِمَا أَخْفَيْتُمْ وَمَا أَعْلَنْتُمْ ط وَمَنْ يَفْعَلْهُ مِنْكُمْ فَقَدْ ضَلَّ سَوَاءَ السَّبِيلِ (الى قوله تعالى) لَنْ تَنْفَعَكُمْ أَرْحَامُكُمْ وَلَا أَوْلَادُكُمْ ع يَوْمَ الْقِيَمَةِ ج يَفْصِلُ بَيْنَكُمْ ط وَاللَّهُ بِمَا تَعْمَلُونَ بَصِيرٌ

(Para-28; Surah Al-Mumtahina; Ruku-7; Aayat-1 To 3)

Tarjuma: Aye Imaan Waalo! Mere Aur Apne Dushmanon Ko Dost Na Banao, Tum Chup Kar Unse Dosti Karte Ho Aur Maiñ Khoob Jaanta Huñ Jo Tum Chupaate Aur Jo Zaahir Karte Ho Aur Tum Meiñ Jo Aisa Karega Wo Zaroor Seedhi Raah Se Behka, Tumhaare Rishte Aur Tumhaare Bachay Tumhein Kuch Nafa' Na Deñge, Qayaamat Ke Din Tum Meiñ Aur Tumhaare Pyaron Meiñ Judaayi Daal Dega Ke Tum Meiñ Ek Dusre Ke Kuch Kaam Na Aasakega Aur Allah Tumhaare A'maal Ko Dekh Raha Hai.

Aur Farmaata Hai:


وَمَنْ يَتَوَلَّهُمْ مِنْكُمْ فَإِنَّهُ مِنْهُمْ — إِنَّ اللَّهَ لَا يَهْدِي الْقَوْمَ الظَّالِمِينَ

(Para-6; Surah Al-Maa-idah; Ruku-12; Aayat-51)

Tarjuma: Jo Tum Mein Unse Dosti Karega To Beshak Wo Unhi Mein Se Hai Beshak Allah Hidaayat Nahi Karte Zaalim Ko.

Pehli Do Aayat Mein To Unse Dosti Karne Waalon Ko Zaalim-O-Gumraah Hi Farmaaya Tha, Is Aaya-E-Kareema Ne Bilkul Tasfiyah Farmaadiya Ke Jo Unse Dosti Rakhe Wo Bhi Unhi Mein Se Hai Unhi Ki Tarah Kaafir Hai, Unke Saath Ek Rassi Mein Baandha Jaayega Aur Wo Koda Bhi Yaad Rakhiye Ke Tum Chup Chup Kar Unse Meyl Rakhte Ho Aur Mai Tumhaare Chupey Zaahir Sabko Khoob Jaanta Hun.

Ab Wo Rassi Bhi Sunlijiye Jismein RasoolAllah (صلى الله تعالى عليه و على آله وسلم) Ki Shaan-E-Aqdas Mein Gustaakhi Karne Waale Baandhe Jaayenge, **Wal 'Iyaazu Billaahi Ta'ala.**



TUMHARA RABB AZZAWAJAL FARMAATA HAI:

وَالَّذِينَ يُؤْذُونَ رَسُولَ اللَّهِ لَهُمْ عَذَابٌ أَلِيمٌ

(Para-10; Surah Al-Taubah; Ruku-14; Aayat-61)

Tarjuma: Wo Jo RasoolAllah (صلى الله تعالى عليه و على آله وسلم) Ko Eeza Dete Hai Unke Liye Dardnaak Azaab Hai.

Aur Farmaata Hai:

إِنَّ الَّذِينَ يُؤْذُونَ اللَّهَ وَرَسُولَهُ لَعَنَهُمُ اللَّهُ فِي الدُّنْيَا وَالْآخِرَةِ وَأَعَدَّ لَهُمْ عَذَابًا مُّهِينًا

(Para-22; Surah Al-Ahzaab; Ruku-4; Aayat-57)

Tarjuma: Beshak Jo Log Allah Aur RasoolAllah (جل جلاله و صلى الله تعالى عليه و على آله وسلم) Ko Eeza Dete Hai Un Par Allah Ki Laanat Hai Dunya-O-Aakhirat Mein Aur Allah Ne Unke Liye Zillat Ka Azaab Tayyaar Kar Rakha Hai.

SAAT (7) KODEY

Allah Azzawajal Eeza Se Paak Hai Usey Kaun Eeza De Sakta Hai Magar Habeeb (صلى الله تعالى عليه و على آله وسلم) Ki Shaan Mein Gustaakhi Ko Apni Eeza Farmaaya, In Aayat Mein Se Us Shakhs Par Jo RasoolAllah (صلى الله تعالى عليه و على آله وسلم) Ke Gustaakho Se Muhabbat Ka Bartao Kare Saat (7) Kodey Saabit Huve:

1): Wo Zaalim Hai,

2): Gumraah Hai,

- 3): Kaafir Hai,
 4): Uske Liye Dardnaak Azaab Hai,
 5): Wo Aakhirat Mein Zaleel-O-Khwaar Hoga,
 6): Usne Allah Waahid-E-Qahhaar Ko Eeza Di,
 7): Us Par Donoñ Jahaan Mein Khuda Ki Laanat Hai. **Wal 'Iyaazu Billaahi Ta'ala.**

LILLAH INSAAF!

Aye Musalmaan Aye Musalmaan! Aye Ummati-E-Sayyidul Insi Wal Jaan (صلی اللہ تعالیٰ علیہ و آلہ وسلم) Khudaara Zara Insaaf Kar, Wo Saat (7) Behtareen Haiñ Jo Un Logoñ (Gustaakhaan-E-Khuda-O-Rasool Wahabiyoñ Devbandiyoñ Waghaira) Se Yaklakht Tark-E-Ilaaqa Kardene Par Milte Haiñ Ke:

- 1): Dil Mein Imaan Jamm Jaaye,
 2): Allah Madadgaar Ho,
 3): Jannat Maqaam Ho,
 4): Allah Waaloñ Mein Shumaar Ho,
 5): Muraadein Milein,
 6): Khuda Tujhse Raazi Ho,
 7): Tu Khuda Se Raazi Ho.

Ya Yeh Saat (7) Bhaley Haiñ? Jo Un Logoñ (Yaani Wahabi Devbandi Waghaira Tamaam Gustaakhaan-E-Sarkaar) Se Talluq Rehne Par Padeñge Ke:

- 1): Zaalim,
 2): Gumraah,
 3): Kaafir,
 4): Jahannami Ho,
 5): Aakhirat Mein Khwaar Ho,
 6): Khuda Ko Eeza De,
 7): Khuda Donoñ Jahaan Mein Laanat Kare.

Haihaata Haihaata! Kaun Keh Sakta Hai Ke Yeh Saat Ache Haiñ. Kaun Keh Sakta Hai Ke Wo Saat Chodne Ke Haiñ. Magar Jaan-E-Biraadar! Khaali Yeh Keh Dena To Kaam Nahin Deta Vahaan To Imtehaan Ki Thehri Hai. Abhi Aayat Sun Chukey "أَحْسِبِ النَّاسَ" كَمَا هُمْ " Kya Is Bhulaavey Mein Ho Ke Bas Zabaan Se Kehkar Choot Jaoge, Imtehaan Na Hoga?

HAAÑ YEHI IMTEHAAN KA WAQT HAI!

Dekho Yeh Allah Waahid-E-Qahhaar Ki Taraf Se Tumhaari Jaañch Hai Dekho Wo Farmaa Raha Hai Ke Tumhaare Rishte Ilaaqe Qayaamat Mein Kaam Na Aayeñge, Mujhse Todkar Kisse Jodte Ho, Dekho Wo Farmaa Raha Hai Ke Maiñ Ghaafil Nahin, Maiñ Be-Khabar Nahin, Tumhaare A'maal Dekh Raha Huñ, Tumhaare Aqwaal (Baatein) Sunn Raha Huñ, Tumhaare Diloñ Ki Haalat Se Khabardaar Huñ, Dekho Be-Parvaahi Na Karo, Paraaye Peechey Apni

Aaqibat Na Bigaado, Allah-O-Rasool (جل جلاله و صلى الله تعالى عليه و على آله وسلم) Ke Muqaabil Zidd Se Kaam Na Lo, Dekho Wo Tumheĩn Apne Sakht Azaab Se Daraata Hai, Uske Azaab Se Kahiĩn Panaah Nahiĩn, Dekho Wo Tumheĩn Apni Rehmat Ki Taraf Bulaata Hai, Bey Uski Rehmat Ke Kahiĩn Panaah Nahiĩn Dekho Aur Gunaah To Nirey Gunaah Hote Haiĩn Jin Par Azaab Ka Istihqaq Ho Magar Imaan Nahiĩn Jaata, Azaab Hokar Khwaah Rabb Ki Rehmat Habeeb Ki Shafa'at Se Be-Azaab Hi Chutkaara Paaye Aur Jannat Meiĩ Jaaye (**Subhaan Allah Beshak**) Aisa Ho Sakta Hai Magar Yeh Muhammadur-Rasoolullah (صلى الله تعالى عليه و على آله وسلم) Ki Tazeem Ka Maqaam Hai Unki Azmat Unki Muhabbat Madaar-E-Imaan Hai. (**Subhaan Allah**) Quraan-E-Majeed Ki Aayateĩn Sunn Chukey Ke Jo Is Maamley Meiĩ Kami Kare Us Par Donoĩ Jahaan Meiĩ Khuda Ki Laanat Hai. Dekho Jab Imaan Gaya Phir Asalan Abadul Aabaad Tak Kabhi Kisi Tarah Hargiz Asalan Azaab-E-Shadeed [Sakht Azaab] Se Rihaayĩ Na Hogi. Gustaakhi Karne Waale Jinka Tum Yahaaĩ Kuch Paas-O-Lihaaz Karo Vahaan Apni Bhugatt Rahe Hoĩge, Tumheĩn Bachaane Na Aayeĩge, Aur Aayeĩn To Kya Kar Sakte Haiĩn? Phir Aisoĩ Ka Lihaaz [Murawwat, Ravaadaari] Karke Apni Jaan Ko Hamesha Hamesha Ghazab-E-Jabbaar (Rabb Ke Ghazab) Wa Azaab-E-Naar (Jahannam Ke Azaab) Meiĩ Phasaa Dena Kya Aql Ki Baat Hai? Lillah Lillah Zara Deyr Ko Allah-O-Rasool (جل و علا و صلى الله تعالى عليه و على آله وسلم) Ke Siwa Sab Een-O-Aan Se Nazar Uthaakar Aan̄kheĩn Band Karo Aur Gardan Jhukaakar Apne Aap Ko Allah Waahid-E-Qahhaar Ke Saamne Haazir Samjho Aur Nirey Khaalis Sachhe Islami Dil Ke Saath Muhammadur-Rasoolullah (صلى الله تعالى عليه و على آله وسلم) Ki Azeem Azmat, Buland Izzat, Rafee' Wajaahat Jo Unke Rabb Ne Unheĩn Bakhshi Aur Unki Tazeem, Unki Tauqeer Par Imaan-O-Islam Ki Binaa Rakhi, Usey Dil Meiĩ Jamaakar Insaaf-O-Imaan Se Kaho Kya Jisne Kaha (*Baraaheen-E-Qaatia; Safa-55 Meiĩ*) Ke Shaitaan Ko Yeh Wus'at-E-Nass Se Saabit Huvi, Fakhr-E-Aalam Ki Wus'at-E-Ilm Ki Kaunsi Nass-E-Qata'ii Hai? Usne Kya Muhammadur-Rasoolullah (صلى الله تعالى عليه و على آله وسلم) Ki Shaan Meiĩ Gustaakhi Na Ki? Kya Usne Iblees-E-La'een Ke Ilm Ko Rasool (صلى الله تعالى عليه و على آله وسلم) Ke Ilm-E-Aqdas Par Na Badhaaya? Kya Wo RasoolAllah (صلى الله تعالى عليه و على آله وسلم) Ki Wus'at-E-Ilm Se Kaafir Hokar Shaitaan Ki Wus'at-E-Ilm Par Imaan Na Laaya?

Musalmaano! Khud Usi Gustaakh Se Itna Hi Keh Dekho Ke Wo Ilm Meiĩ Shaitaan Ke Hamsarr! Dekho To Wo Bura Maanta Hai Ya Nahiĩn? Haalaaĩke Usey To Ilm Meiĩ Shaitaan Se Kamm Bhi Na Kaha Balke Shaitaan Ke Baraabar Hi Bataaya Phir Kamm Kehna Kya Tauheen Na Hogi? Aur Agar Wo Apni Baat Paalne Ko (Baat Ki Pachh Ki Khaatir) Uspar Naagavaari Zaahir Na Kare Agarche Dil Meiĩ Qata'an Gavaar Maanega To Usey Chodiye Aur Kisi Mu'azzam Se Kehdijiye Aur Poora Hi Imtehaan Maqsood Ho To Kya Kachehri Meiĩ Jaakar Aap Kisi Haakim Ko Inhi Lafzoĩ Se Ta'beer Kar Sakte Haiĩn? Dekhiye! Abhi Abhi Khulaa Jaata Hai Ke Tauheen Huvi Aur Beshak Huvi, Phir Kya RasoolAllah (صلى الله تعالى عليه و على آله وسلم) Ki Tauheen Karna Kufr Nahiĩn? Zaroor Hai Aur Bil-Yaqeen Hai.

WAHAABIYA KE NAZDEEK SHAITAAN KHUDA KA SHAREEK

(*Baraaheen-E-Qaatia Meiĩ*) Jisne Shaitaan Ki Wus'at-E-Ilm Ko Nass Se Saabit Maan Kar Huzoor-E-Aqdas (صلى الله تعالى عليه و على آله وسلم) Ke Liye Wus'at-E-Ilm Maan-ne Waale Ko Kaha Tamaam Nusoor Ko Radd Karke Ek Shirk Saabit Karta Hai, Aur Kaha Shirk Nahiĩn To Kaunsa Imaan Ka Hissa Hai? Usne Iblees-E-La'een Ko Khuda Ka Shareek Maana Ya Nahiĩn? Zaroor Maana, Ke Jo Baat Makhlooq Meiĩ Ek Ke Liye Saabit Karna Shirk Hogi Wo Jis Kisi Ke Liye Saabit Ki Jaaye Qata'an Shirk Hi Rahegi Ke Khuda Ka Shareek Koi Nahiĩn Ho Sakta, Jab RasoolAllah (صلى الله تعالى عليه و على آله وسلم) Ke Liye Yeh Wus'at-E-Ilm Maan-ni Shirk Thehraayi Jismeĩn Koĩ Hissa Imaan Ka Nahiĩn To Zaroor Itni Wus'at Khuda Ki Wo Khaas Sifat Huvi Jisko Khudaayi Laazim Hai, Jab To Nabi Ke Liye Iska Maan-ne Waala Kaafir Mushrik Huva (**Ma'az Allah**) Aur Usne Wohi Wus'at Wohi Sifat Khud Apne Muĩh Iblees Ke Liye Saabit Maani To Saaf Saaf Shaitaan Ko Khuda Ka Shareek Thehraa Diya.

Musalmaano!

Kya Yeh Allah Azzawajal Aur Uske Rasool (صلى الله تعالى عليه و على آله وسلم) Donoĩ Ki Tauheen Na Huvi? Zaroor Huvi. Allah Ki Tauheen To Zaahir Hai Ke (Wus'at-E-Ilm Meiĩ) Uska Shareek Banaaya Wo Bhi Kise? Iblees-E-La'een Ko! Aur RasoolAllah (صلى الله تعالى عليه و على آله وسلم) Ki Tauheen Yuĩ Ke Iblees Ka Martaba Itna Badha Diya Ke Wo To Khuda Ki Khaas Sifat (Wus'at-E-Ilm) Meiĩ Hissedaar Hai Aur Huzoor Isse Aise Mehroom Ke Unke Liye Saabit Maano To Mushrik Hojao (**Ma'az Allah**)

Musalmaano! Kya Khuda Aur Rasool Ki Tauheen Karne Waala Kaafir Nahin? Zaroor Hai, Kya Jis (*Hifzul Iman Mein Safa-8; Musannif Ashar Faili Thanvi Devbandi*) Ne Kaha Ke Baaz Uloom-E-Ghaibiyah Muraad Hai To Ismein Huzoor (صلی اللہ تعالیٰ علیہ و علی آلہ وسلم) Ki Kya Takhsees Hai Aisa Ilm-E-Ghaib To Zaid-O-Umro Balke Har Sabii-O-Majnoon Balke Jamee' Haivaanaat-O-Bahaayim Ke Liye Bhi Haasil Hai. (**Ma'az Allah**) Kya Usne Muhammadur-Rasoolullah (صلی اللہ تعالیٰ علیہ و علی آلہ وسلم) Ko Sareeh Gaali Na Di? Kya Nabi-E-Kareem (صلی اللہ تعالیٰ علیہ و علی آلہ وسلم) Ko Itna Hi Ilm-E-Ghaib Diya Gaya Tha Jitna Har Pagal Aur Har Chaupaaye Ko Haasil Hai?

Musalmaan! Musalmaan! Aye Muhammadur-Rasoolullah (صلی اللہ تعالیٰ علیہ و علی آلہ وسلم) Ke Ummati! Tujhe Apne Deen-O-Imaan Ka Waasta, Kya Is Naapaak Mal'oon Gaali Ke Sareeh Gaali Hone Mein Tujhe Kuch Shubah Guzar Sakta Hai? **Ma'az Allah** Ke Muhammadur-Rasoolullah (صلی اللہ تعالیٰ علیہ و علی آلہ وسلم) Ki Azmat Tere Dil Se Aisi Nikal Gayi Ho Ke Is Shadeed Gaali Mein Bhi Unki Tauheen Na Jaane.

Aur Teri Izzat Itni Badh gayi Ke Gaali Dena To Door Agar Koi Tujhe Tu Kehde To Bura Maane, Apni Zaat Aur Dunyavi Mafaad Ke Liye Kisi Se Bhi Ladaayi Thaane, Ab Na Rishte Ilaaqe Ka Paas, Na Dosti Ulfat Ka Lihaaz Kare. Magar RasoolAllah (صلی اللہ تعالیٰ علیہ و علی آلہ وسلم) To Farmaayein-

لَا يُؤْمِنُ أَحَدُكُمْ حَتَّىٰ أَكُونَ أَحَبَّ إِلَيْهِ مِنْ وَالِدِهِ وَوَلَدِهِ وَالنَّاسِ أَجْمَعِينَ

Yaani Tum Mein Se Us Waqt Tak Koi Momin Nahin Ho Sakta Jabtak Mujhse Apne Baap Aur Bête Aur Tamaam Logoñ Se Zyaada Muhabbat Na Karta Ho.

JO KALMA APNE ULAMA KE WAASTE TAUHEEN KA WOHI KALMA NABI KE LIYE TAUHEEN KA KYUN NAHIN?

Aur Agar Ab Bhi Tujhe Aitebaar Na Aaye To Unhi (Gustaakhoñ Wahabiyoñ Devbandiyoñ Waghairahum) Se Pooch Dekh! Ke Aaya Tumhein Aur Tumhaare Ustaadoñ, Peerjiyoñ Ko Keh Sakta Haiñ Ke Aye Falaan! Tujhe Itna Hi Ilm Hai Jitna Suwwar Ko Hai, Tere Ustaad Ko Aisa Hi Ilm Tha Jaise Kutte Ko Hai, Tere Peer Ko Isi Qadar Ilm Tha Jis Qadar Gadhey Ko Hai, Ya Mukhtasar Taur Pe Itna Hi Ho Ke Wo Ilm Mein Ullu, Gadhey, Kutte, Suwwar Ke Hamsaro! (Barabaro!) Dekho To Wo Ismein Apni Aur Apne Ustaad, Peer Ki Tauheen Samajhte Haiñ Ya Nahin? Qata'an Samjheñge Aur Qaabu Paayeñ To Sarr Hojaayeñ, Phir Kya Sabab Hai Ke Jo Kalma Unke Haq Mein Tauheen-O-Kasre Shaan Ho, Muhammadur-Rasoolullah (صلی اللہ تعالیٰ علیہ و علی آلہ وسلم) Ki Tauheen Na Ho? Kya **Ma'az Allah** Un [Muhammadur-Rasoolullah (صلی اللہ تعالیٰ علیہ و علی آلہ وسلم)] Ki Azmat Inse Bhi Gayi Guzri Hai? [**Ma'az Allah**] Kya Isi Ka Naam Imaan Hai? Haasha Lillah Haasha Lillah Kya Jis (*Hifzul Imaan; Safa-8; Ashar Faili Thanvi Devbandi*) Ne Kaha Kyunke Har Shakhsh Ko Kisi Na Kisi Aisi Baat Ka Ilm Hota Hai Jo Dusre Shakhsh Se Makhfi Hai To Chaahiye Ke Sabko Aalim-Ul-Ghaib Kaha Jaave, Phir Agar Zaid Iska Iltizaam Karle Ke Haañ Maiñ Sabko Aalim-Ul-Ghaib Kahuñga To Phir Ilm-E-Ghaib Ko Min-Jumla Kamaalaat-E-Nabaviyyah Shumaar Kyun Kiya Jaata Hai. Jis Amr Mein Momin Balke Insaan Ki Bhi Khusoosiyat Na Ho Wo Kamaalaat-E-Nabuwwat Se Kab Ho Sakta Hai? Aur Agar Iltizaam Na Kiya Jaavey To Nabi Ghair-E-Nabi Mein Wajah-E-Farq Bayaan Karna Zaroor Hai, Intehaa.

KYA RasoolAllah (صلی اللہ تعالیٰ علیہ و علی آلہ وسلم) Aur Jaanvaroñ, Paagaloñ Mein Farq Na Jaan-ne Waala Huzoor Ko Gaali Nahin Deta? Kya Usne Allah Azzawajal Ke Kalaam Ka Saraahatan Radd-O-Ibtaal Na Kardiya? Dekho:

TUMHAARA RABB AZZAWAJAL FARMAATA HAI:

وَعَلَّمَكَ مَا لَمْ تَكُنْ تَعْلَمُ ۖ وَكَانَ فَضْلُ اللَّهِ عَلَيْكَ عَظِيمًا ۝

(Surah An-Nisaa; Ruku-14; Aayat-13)

Tarjuma: Aye Nabi! Allah Ne Tumko Sikhaaya Jo Tum Na Jaante The Aur Allah Ka Fazl Tum Par Bada Hai.

Yahaañ Naa-Malum Baatoñ Ka Ilm Ataa Farmaane Ko Allah Azzawajal Ne Apne Habeeb (صلى الله تعالى عليه و على آله وسلم) Ke Kamaalaat-O-Madaayih Meiñ Shumaar Farmaaya Aur Farmaata Hai:

وَأَنَّهُ لَدُّوعِلْمٍ مِّمَّا عَلَّمْنَاهُ

(Para-13; Surah Yusuf; Ruku-2; Aayat-68)

Tarjuma: Beshak Yaqoob Hamare Sikhaaye Se Ilm Waala Hai.

Aur Farmaata Hai:

وَبَشِّرُوهُ بِغُلْمٍ عَلَيْهِمْ ط

(Para-26; Surah Az-Zaariyaat; Ruku-19; Aayat-28)

Tarjuma: Malaayika Ne Ibrahim (Alaihis-Salaatu Wat-Tasleem) Ko Ek Ilm Waale Ladke Is-haaq (Alaihis-Salaatu Wassalaam) Ki Bashaarat Di.

Aur Farmaata Hai:

وَعَلَّمْنَاهُ مِنْ لَدُنَّا عِلْمًا -

(Para-15; Surah Al-Kahf; Aayat-65)

Tarjuma: Humne Khizr Ko Apne Paas Se Ek Ilm Sikhaaya.

Waghairahaa Aayaat, Jin Meiñ Allah Ta'ala Ne Ilm Ko Kamaalaat-E-Ambiyaa (Alaihimus-Salaatu Wassalaam Wassanaa) Meiñ Gina.

Yahaañ Ijmaali Taur Par Yeh Aayaat Tehreer Farmaayeen Jisey Is Mauzu Par Tafseel Darkaar Ho Huzoor AalaHazrat Qibla (Quddasa Sirrahu) Ke Rasaayil-E-Mubaaraka *"Ad-Daulatul Makkiyyah Wa Khaalis Al-I'tiqaad"* Aur Huzoor Mazhar-E-AalaHazrat (Quddasa Sirrahu) Ke Risaala-E-Mubaaraka *"Al-Anwaar Al-Ghaibiyah"* Waghairahum Mutaala Kare.

ASHAR FAILI THANVI KI KUFRIYA IBAARAT KA ANJAAM

Ab Zaid Ki Jagah Allah Azzawajal Ka Naam-E-Paak Lijiye Aur Ilm-E-Ghaib Ki Jagah Mutlaq Ilm, Jiska Har Chaupaaye Ko Milna Aur Bhi Zaahir Hai Aur Dekhiye Ke Is Gustaakh-E-Mustafa (صلى الله تعالى عليه و على آله وسلم) Ki Taqreer Kis Tarah Kalaamullah Azzawajal Ka Radd Kar Rahi Hai Yaani Yeh (Gustaakh) Khuda Ke Muqaabil Khada Hokaar Keh Raha Hai Ke Aap (Yaani Nabi (صلى الله تعالى عليه و على آله وسلم) Aur Deegar Ambiyaa Alaihimus-Salaatu Wassalaam) Ki Zaat-E-Muqaddasa Par Ilm Ka Itlaaq Kiya Jaana Agar Ba-Qaul-E-Khuda Sahi Ho To Dariyaft Talab Amr Yeh Hai Ke Is Ilm Se Muraad Baaz Ilm Hai Ya Kul Uloom, Agar Baaz Uloom Muraad Haiñ To Ismeiñ Huzoor Aur Deegar Ambiyaa Ki Kya Takhsees Hai Aisa Ilm To Zaid-O-Umro Balke Har Sabii-O-Majnoon Balke Jamee' Haivaanaat-O-Bahaayim Ke Liye Bhi Haasil Hai (**Ma'az Allah**) Kyuñke Har Shakhs Ko Kisi Na Kisi Baat Ka Ilm Hota Hai To Chaahiye Ke Sabko Aalim Kaha Jaaye, Phir Agar Khuda Iska Itizaam Kare Ke Haañ Maiñ Sabko Aalim Kahuñga To Phir Ilm Ko Min Jumla Kamaalaat-E-Nabaviyah Shumaar Kyuñ Kiya Jaata Hai? Jis Amr Meiñ Momin Balke Insaan Ki Bhi Khusoosiyat Na Ho Wo Kamaalaat-E-Nabuwat Se Kab Ho Sakta Hai Aur Agar Itizaam Na Kiya Jaaye To Nabi Aur Ghair-E-Nabi Meiñ Wajah-E-Farq Bayaan Karna Laazim Hai, Aur Agar Tamaam Uloom Muraad Haiñ, Is Tarah Ke Uska Ek Fard Bhi Khaarij Na Rahe To Iska Butlaan Daleel-E-Naqli-O-Aqli Se Saabit Hai, Intehaa.

HIFZUL IMAN KI MUKAMMAL IBAARAT USKE APNE HAQ MEIN

Pas Saabit Huva Ke Khuda Ke Wo Sab Aqvaal Uski Isi Daleel Se Baatil Hai.

Musalmaano! Dekha Ke Is Bad-go (Gustaakh, Devbandiyoñ Ka Imam Ashar Faili Thanvi) Ne Faqat Muhammadur-Rasoolullah (صلى الله تعالى عليه و على آله وسلم) Hi Ko Gaali Na Di Balke Unke Rabb Jalla Wa 'Alaa Ke Kalaamoñ Ko Bhi Baatil-O-Mardood Kardiya. (Ma'az Allah)

Musalmaano! Jiski Jurrat Yahaañ Tak Pahuñchi Ke RasoolAllah (صلى الله تعالى عليه و على آله وسلم) Ke Ilm-E-Ghaib Ko Pagaloñ Aur Jaanwaroñ Ke Ilm Se Mila De Aur Imaan-O-Islam-O-Insaaniyat Sabse Aanñkheñ Band Karke Saaf Kehde Ke Nabi Aur Jaanwar Mein Kya Farq Hai? (Ma'az Allah) Isse Kya Ta'jjub Ke Khuda Ke Kalaamoñ Ko Radd Kare, Baatil Bataaye, Pasey Pusht [Peeth Ke Peechey] Daaley, Zer-E-Paa [Pair Ke Neeche] Maley Balke Jo Yeh Sab Kuch Kalaamullah Ke Saath Kar Chuka Wohi RasoolAllah (صلى الله تعالى عليه و على آله وسلم) Ke Saath Is Gaali Par Jurrat Kar Sakega.

JO KALMA APNE ULAMA KE WAASTE TAUHEEN KA WOHI KALMA NABI KE LIYE TAUHEEN KA KYUN NAHIN?

Magar Haañ Usse Dariyaft Karo Ke Aapki Yeh Taqreer Khud Aap Aur Aapke Asaatiza Mein Jaari Hai Ya Nahin? Agar Nahin To Kyun? Agar Hai To Kya Jawaab? Haañ Un Gustaakhoñ Se Kaho! Kya Aap Hazraat Apni Taqreer Ke Taur Par Jo Aap Ne Muhammadur-Rasoolullah (صلى الله تعالى عليه و على آله وسلم) Ki Shaan Mein Jaari Ki, Khud Apne Aap Se Is Dariyaft Ki Ijaazat De Sakte Haiñ Ke Aap Saahiboñ Ko Aalim Faazil Molvi Mulla Chuneen Chunañ Falañ Falañ Kyun Kaha Jaata Hai? Aur Haivaanaat-O-Bahaayim Maslan Kutte, Suwwar Ko Koi In Alfaaz Se Ta'beer Nahin Karta? In Manaasib Ke Baa'is Aapke Ittebaa' Wa Aznaab Aapki Tazeem, Takreem, Tauqeer Kyun Karte? Dast-O-Paa [Haath-O-Pair] Par Bosa Kyun Dete Haiñ? Aur Jaanwaroñ Maslan Ullu Gadhe Ke Saath Koi Yeh Bartao Nahin Baratta Uski Wajah Kya Hai?

BAAZ ILM

Kul Ilm To Qata'an Aap Saahiboñ Ko Bhi Nahin Aur Baaz Mein Aapki Kya Takhsees? Aisa Ilm To Ullu, Gadhey, Kutte, Suwwar Sabko Haasil Hai To Chaahiye Ke In Sabko Aalim-O-Faazil-O-Chuneen-O-Chanañ Kaha Jaaye. Phir Agar Aap Iska Itizaam Kareñ Ke Haañ Hum Sabko Ulama Kaheñge To Phir Ilm Ko Aapke Kamaalat Mein Kyun Shumaar Kiya Jaata Hai. Jis Amr Mein Momin Balke Insaan Ki Bhi Khusoosiyat Na Ho Gadhey, Kutte, Suwwar Sabko Haasil Ho Wo Aapke Kamaalat Se Kyun Huva? Aur Agar Itizaam Na Kiya Jaaye To Aap Hi Ke Bayaan Se Aap Mein Aur Gadhey, Kutte, Suwwar Mein Wajah-E-Farq Bayaan Karna Zaroor Hai. Faqat.

Musalmaano! Yun Dariyaft Karte Hi Bi-'Aunihi Ta'ala Saaf Khul Jaayega Ke Un Gustaakoñ Ne Muhammadur-Rasoolullah Ko Kaisi Sareeh Shadeed Gaali Di Aur Un (Huzoor) Ke Rabb Azzawajal Ke Quraan-E-Majeed Ko Jaa Baaja Kaisa Radd-O-Baatil Kardiya. (Ma'az Allah)

Musalmaano! Khaas Us Bad-go Aur Uske Saathiyon Se Pucho, Un Par Khud Unke Iqraar Se Quraan-E-Azeem Ki Yeh Aayaat Chaspaañ Huiñ Ya Nahin?

TUMHAARA RABB AZZAWAJAL FARMAATA HAI:

وَلَقَدْ ذَرَأْنَا لِجَهَنَّمَ كَثِيرًا مِّنَ الْجِنِّ وَالْإِنسِ ۚ لَهُمْ قُلُوبٌ لَا يَفْقَهُونَ ۖ لَهُمْ اَعْيُنٌ لَا يُبْصِرُونَ ۖ لَهُمْ اُذُنٌ لَا يَسْمَعُونَ ۖ بَشَرًا ۚ اُولَٰئِكَ كَالْاَنْعَامِ ۖ بَلْ هُمْ اَضَلُّ ۖ اُولَٰئِكَ هُمُ الْغَافِلُونَ ۝

(Para-9; Surah Al-A'raaf; Ruku-12; Aayaat-179)

Tarjuma: Aur Beshak Zaroor Humne Jahannam Ke Liye Phailaa Rakhe Haiñ, Bohot Se Jinn Aur Aadmi Unke Wo Dil Haiñ Jinse Haq Ko Nahin Samajhte Aur Wo Aanñkheñ Jinse Haq Ka Raasta Nahin Soojhtey Aur Wo Kaan Jinse Haq

Baat Nahiñ Sunte, Wo Chaupaayiyon Ki Tarah Haiñ Balke Unse Bhi Badhkar Behke Huve Wohi Log Ghaflat Meiñ Padey Haiñ.

YEH AAYAT UN GUSTAAKHAAN-E-RASOOL PAR CHASPAAN

Aur Farmaata Hai:

أَرَأَيْتَ مَنِ اتَّخَذَ إِلَهَهُ هَوَاهُ ^ط أَفَأَنْتَ تَكُونُ عَلَيْهِ وَكِيلًا ^{هـ} أَمْ تَحْسَبُ أَنَّ أَكْثَرَهُمْ يَسْمَعُونَ أَوْ يَعْقِلُونَ ^ط إِنْ هُمْ إِلَّا كَالْأَنْعَامِ بَلْ هُمْ أَضَلُّ سَبِيلًا ^{هـ}

(Para-19; Surah Al-Furqaan; Ruku-2; Ruku-43,44)

Tarjuma: Bhala Dekh To Jisne Apni Khwaahish Ko Apna Khuda Banaaliya To Kya Tu Uska Zimma Lega Ya Tujhe Gumaan Hai Ke Unmeiñ Bohot Se Kuch Sunte Ya Aql Rakhte Haiñ Wo To Nahiñ Magar Jaise Chaupaaye, Balke Wo To Unse Bhi Badhkar Gumraah Haiñ.

Sulahkulliyo Dekho! Ke Siraat-E-Mustaqeem Se Bhatke Huvoñ Aur Haq Ko Na Samajhne Waaloñ Aur Haq Baat Ko Na Sunne Waaloñ Ke Baare Meiñ Allah Ta'ala Farmaa Raha Hai Jiska Saaf Mafhoom Yeh Ke Wo Chaupaaye Yaani Kutte Suwwar Waghaira Se Bhi Badtar Haiñ.

ILM WAALE KE LIYE NUKTA

Un Bad-goyoñ Ne Chaupaayiyon Ka Ilm To Ambiyaa (Alaihimus-Salaatu Wassalaam) Ke Ilm Ke Baraabar Maana. Ab Unse Puchiye Kya Tumhaara Ilm Ambiyaa Ya Khud Huzoor Sayyid-ul-Ambiyaa (Alaihi Wa Alaihimus-Salaatu Was-Sanaa) Ke Baraabar Hai, Zaahiran Iska Daawa Na Kareñge Aur Agar Keh Bhi Deiñ Ke Jab Chaupaayiyon Se Baraabari Kardi, Aap To Do-paaye Haiñ Baraabari Maante Kya Mushkil Hai, To Yuñ Puchiye Tumhaare Ustaadoñ, Peeroñ, Mullaanoñ Meiñ Koi Bhi Aisa Guzra Jo Tumse Ilm Meiñ Zyaada Ho Ya Sab Ek Baraabar Ho? Aakhir Kahiñ To Farq Nikaaleñge To Unke Wo Ustaad Waghaira To Unke Iqraar Se Ilm Meiñ Chaupaayiyon Ke Baraabar Huve. Aur Yeh Unse Ilm Meiñ Kam Haiñ, Jab Hi To Unki Shaagirdi Ki Aur Jo Ek Masaawi Se Kam Ho Dusre Se Bhi Zaroor Kam Hoga. To Yeh Hazraat Khud Apni Taqreer Ki Ru Se Chaupaayiyon Se Badhkar Gumraah Huve Aur In Aayaton Ke Misdaaq Thehre:

كَذَلِكَ الْعَذَابُ ^ط وَلَعَذَابُ الْآخِرَةِ أَكْبَرُ ^ط لَوْ كَانُوا يَعْلَمُونَ ^{هـ}

Tarjuma: Maar Aisi Hoti Hai Aur Beshak Aakhirat Ki Maar Sabse Badi, Kya Acha Tha Agar Wo Jaante.

(Para-29; Surah Al-Qalam; Ruku-3; Aayat-33)

[Tamheed-E-Imaan Shareef]

Sunní Musalmaano! Agar Apna Imaan Pyaara Hai Aur Imtehaan Meiñ Pass Hona Hai To Huzoor AalaHazrat (Radi Allahu Ta'ala Anh) Ke Ek Ek Jumle Par Ghaur Karke Jald Se Jald Marne Se Pehle, Zabaan Band Hone Se Pehle, Seeney Pe Dam Aane Se Pehle, Aazmaayish-O-Imtehaan Meiñ Kaamiyaabi Haasil Karlo. Zara Khud Socho! Kya Aaj Yeh Haalaat Tumhaare Saamne Nahiñ Ke Un Jahannamiyon Yaani Devbandi, Wahabi, Rafzi, Murtaddeen Se Khullam Khulla Dosti Nibhaayi Jaarahi Hai, Aur Khabees Murtad Wahabiyon Devbandiyon Ko Bura Kehne Aur Unka Radd Karne Par Bura Maana Jaaraha Hai, Ulta Un Hi Ulama-E-Haq Ko Bura Kaha Jaaraha Hai Jo Din Raat Dars-E-Razvi Sunaa Rahe Haiñ Aur Yaad Dilaa Rahe Haiñ Kya Isi Ka Naam Dushmanaan-E-Rasool Se Nafrat Hai? Sach To Yeh Hai Agar Un Khabeeson Se Nafrat Hoti To Unka Radd Karne Par Khushi Zaroor Haasil Hoti.

Dunyavi Imtehaan Ke Liye To Ghar Choda, Ahbaab Chode, Azeed Chode, Yahaañ Tak Ke Maa Baap Chode, Mehfileiñ Chodeñ Tab Koi Na Bola, Tab Kisiko Takleef Na Huvi, Tab Kisi Ke Dard Na Huva, Aur Agar Kisi Aashiq-E-Rasool (صلی اللہ تعالیٰ علیہ و علی آلہ وسلم) Ne Maslak-E-AalaHazrat Par Aur Isi Dars-E-Razvi Par Amal Karte Huve Aur Apna Imtehaan Dete Huve Khuda-O-Rasool (جل جلالہ و صلی اللہ تعالیٰ علیہ و علی آلہ وسلم) Ke Faraameen Ke Aage Sarr Jhukaate Huve

Kisi Dushman-E-Rasool Wahabi, Devbandi, Rafzi, Neychari Murtad Waghairahum Ya Kisi Bhi Gustaakh Khabees Ka Radd Karte Huve Boycott Kiya, Aur Apna Iman Bachaane Ke Liye Un Khabees Jahannamiyon Ki Dosti Chodi, Mehfilein Chodein, Shaadiyaan Chodein, Rishtedaar Chode, Agar Waqt Aaya To Ghar-O-Watan Bhi Choda, Yahaañ Tak Ke Bhai Behen Maa Baap Waghaira Ko Choda Sirf Imaan Hi Ki Khaatir.

Na Apnoñ Ki Parvaah Ki Na Begaanoñ Ki Na Kisi Peer Ji Ki Peeri Ka Lihaaz Kiya Na Kisi Mufti Saahab Ki Qaabiliyat-O-Mubligh-E-Ilm Ko Khaatir Mein Laaye, Aur Na Kisi Molvi Saahab Ki Molviyat Ka Lihaaz Kiya, Na Kisi Imam Saahab Ki Imaamat Ki Fikr Ki, Na Kisi Sheikh Saahab Ki Masheekhah Dekhi, Na Kisi Naam Nihaad Muslih-E-Qaum Ke Alfaaz Ki Jaado Bayaani Aur Laffaazi Ki Parvaah Ki Iman-O-Aqeedey Ke Khaatir. Ek Aashiq-E-Rasool Ne Jab Dekha To Sirf Aur Sirf Haq Aur Dars-E-Haq Ko Dekha. Aur Kutub-E-AalaHazrat Bil-khusoos Fatawa Razviyah Shareef Ko Nigaahon Mein Rakhte Huve Dars-E-Razvi Par Amal Kiya. Tab Logoñ Ke Peyt Mein Dard Bhi Hone Laga, Logoñ Ko Isse Takleef Bhi Hone Lagi Aur Tarah Tarah Ke Log Qism Qism Ki Baatein Banana Lage. **انا لله وانا اليه راجعون!**

Lekin Aye Sunni Musalmaano! Yahaañ Par Ek Bada Farq Yeh Zaroor Malum Huva Ke Jisko Jo Cheez Pyaari Hoti Hai Wo Us Cheez Ki Fikr Karta Hai, Jisko Dunya Pyaari Thi Usne Dunya Ke Imtehaan Mein Masaayib Bardaasht Kiye Aur Takleefein Jhelein Aur Jis Aashiq-E-Rasool Ko Apna Deen Pyaara Tha Usne Dars-E-Razvi Padha Aur Tamaam Manaazil Se Guzarte Huve Apne Imtehaan Mein Kaamiyaabi Haasil Karne Mein Laga Huva Hai. Ab Har Shakhs Is Dars-E-Razvi Ki Raushni Mein Apna Apna Muhaasiba Kare Aur Khoob Soche Aur Aakhirat Ki Fikr Karte Huve Yeh Ghaur Kare Ke Hum Apne Deeni Imaani Imtehaan Mein Kitna Sanjeedah Haiñ. Aur Agar Khuda Na Khwaasta Koi Sanjeedah Nahin Hai To Wo Jald Az Jald Apni Fikr Kare Aur Apne Is Deeni Imtehaan Ki Tayyaari Mein Lag Jaaye.

Jin Hazraat Ko Bhi Apne Deeni Imtehaan Ki Tayyaari Karna Hai Wo Jitna Zyaada Hosake Aaj Ke Sulahkulli Naam Nihaad Mufti Molvi Peeron Se Bachte Huve Huzoor Sarkaar AlaHazrat (Quddasa Sirrahu) Ka Dars-E-Razvi Yaad Rakhe. Aur Iske Liye Zaroor Zaroor Unki Mubaarak Tehreerat Aur Kitaabon Ka Mutaala Karta Rahe. Kyunke Is Daur-E-Purfitan Mein Huzoor AlaHazrat Ki Kutub-E-Mubaaraka Ke Bil-istee'aab Mutaala Ke Baghair Har Fitne Aur Firqe Ka Radd Nahin Kiya Jaa Sakta. Aur Bil-Khusoos Naam Nihaad Sulahkulli Tanzeemoñ, Tehreekon, Jamaaton, Jaisa Ke Naam Nihaad Dawat-E-Islami, Naam Nihaad Sunni Dawat-E-Islami, Minhaajush-Shaitaan Waale Jaise Molviyon, Muftiyon, Peeron Ke Qasr-E-Sulahkulliyat Ko Mismaar Karna Aur In Jaise Sabhi Sulahkulliyon Ke Naapaak Hamloñ Se Apne Aap Ko Aur Qaum-O-Millat Ko Bachaana Mumkin Nahin Hosakta.

Kyunke Aaj Har Aadmi Ishq-O-Muhabbat Ka Dam Bharta Aur Daawa Karta Hai, Tanzeem Ho, Tehreek Ho Ya Jamaat Ho, Mufti Hon, Molvi Hon Ya Peer Saahab. Daawa To Sabka Ishq-O-Muhabbat Hai Lekin Kya Wo Daawe Is Dars-E-Razvi Par Amal Kiye Baghair (Jaisa Ke Aapne Abhi "Tamheed-E-Iman" Shareef Ki Raushni Mein Maa-Qabl Mein Mulaahiza Kiya) Mumkin Aur Sachey Ho Sakte Haiñ? Hargiz Nahin! Daawe Ishq-E-Rasool Ke Hon Aur Kaarnaamey Shari'at-E-Mustafa Aur Dars-E-Rasool Ke Khilaaf, Kya Isi Ka Naam Tableegh Hai, Kya Isi Ka Naam Islaah-E-Qaum-O-Muslimeen Hai? Hargiz Nahin.

Lihaaza In Ibaaraat-E-Mazkoora Aur Dars-E-Razvi Ki Raushni Mein Khoob Achi Tarah Se Yeh Baat Waazeh Aur Raushan Hogayi Ke Shari'at-E-Mustafa (Alaihit-Tahiyyatu Was-Sanaa) Par Amal, Khuda-O-Rasool (جل جلاله و صلى) Ke Gustaakhoñ Par Shiddat-O-Ghalzat Kiye Baghair Yeh Dikhaavey Ki Cheezein Jaise Jubba-O-Dastaar, Jeyb Mein Miswaak, Sarr Pe Makhsoos Rañg Ki Pagdiyaan Wa Topiyaan, Wa Makhsoos Poshakein Waghaira Kuch Bhi Kaam Na Deñgi. Misaal Ke Taur Pe Islaah-E-Muslimeen Ke Naam Se Jalsa Bhi Ho, Madarsa Bhi Ho, University Bhi Ho, Jaamia Bhi Ho, Naam Nihaad Sunnaton Bhara Ijtema Bhi Ho Naam Nihaad Darul Iftaa Bhi Ho, Molvi, Mufti Wa Naam Nihaad Musliheen-E-Qaum-O-Millat Ka Jamm-E-Ghafeer Bhi Ho, Waghaira Waghaira Aur **Ma'az Allah** Agar Dushmanaan-E-Khuda-O-Rasool (جل جلاله و صلى الله تعالى عليه و على آله وسلم) Yaani Wahabi, Devbandi, Tablighi, Rafzi, Neychari, Murtaddeen Badmazhab Be-Deenoñ Se Milna Julna Wa Dosti Yaari Khaana Peena Shaadi Mein Jaana Aana, Aisi Jagahon Par Shirkat Karna Aur Nikaah Padhaana Jahaañ Par Murtaddeen Gustaakh-E-Rasool Maujood Hon, Devbandiyon Wahabiyon Se Chanda Lena, Ya Chanda Dena Unke Peechey Namaaz Padhna Ya Unki Namaaz Padhne Jaana Aise Khabeeson Ko Imtehaan, Test, Ya Deegar Bahaane Banaakar Madarson Mein Bulaana, Aur Saath Khaana Aur Khilaana Aur Unke Saath Shirkat Karna Aur Karaana Aur Un Khabeeson Se Murawwat-O-Ravaadaari Nibhaana Aur Jhooti Islaah Ke Naam Par Unki Himaayat Karte Huve Unki Taraf Se Baatein Banana Aur Unke Geet Gaana, Unke Radd Se Pehlu Tahii Karna, Tarah Tarah Ke Bahaane Banaana Waghaira Waghaira Ho To Yaqeen Jaan Lo Ke Qata'an Koi Bhi Amal Hargiz Qaabil-E-Qubool Nahin Hosakta.

Daawa Be-Asl Hai Jhooti Hai Muhabbat Teri!

Balke **Ma'az Allah** Sad Baar **Ma'az Allah** Agar Dushmanaan-E-Khuda-O-Rasool (جل جلاله و صلى الله تعالى عليه و على آله وسلم) Wahabiyoñ, Devbandiyoñ, Rafziyoñ Murtaddeen Waghaira Ke Aqwaal-E-Kufriya-O-Aqaayid-E-Baatilah Jaan-ne Aur Samajhne Ke Baad Bhi Agar Unke Kufr-O-Azaab Mein Shakk Bhi Karega Ya Unko **Ma'az Allah** Sunni Musalmaan Jaan Kar Khaana Peena Yaaraana Dostaana Kiya Tab To **Ma'az Allah** Kafir Hojaayega. Ab Uska Kya Roza Kya Namaaz, Jab Imaan Hi Na Raha To Amal Se Kya Faida?

Noor-E-Ilaah Kya Hai Muhabbat Huzoor Ki;**Jis Dil Mein Yeh Na Ho Wo Jagah Khook-E-Kharr Ki Hai!****Dozakh Hai Baghair Hubb-E-Huzoor;****Umr Bhar Ittiqaa Kare Koi!**

Lihaaza Phir Baat Vahiñ Par Aagayi Ke Asl Imaan-O-Aqeeda Hai. Aur Imaan Allah-O-Rasool (جل جلاله و صلى الله تعالى عليه و على آله وسلم) Ki Sachhi Muhabbat-O-Tazeem-O-Takreem Aur Unki Muhabbat Ko Tamaam Jahaan Par Taqdeem Aur Unke Tamaam Mehboobaan-E-Baargaah Ki Sachhi Muhabbat-O-Tazeem Aur Allah-O-Rasool (جل جلاله و صلى الله تعالى عليه و على آله وسلم) Ke Tamaam Dushmanoñ Sab Gustaakhoñ Bad-goyoñ Wahabi Devbandi Rafzi, Neychari, Jumla Kuffaar-O-Murtaddeen Aur Unke Pyaare Mehboobaan-E-Baargaah Ke Bhi Tamaam Dushmanoñ Gustaakhoñ Bad-goyoñ Se Nafrat-O-Adaavat-O-Dushmani-O-Bezaari Ka Naam Hai. Tab Hi To Hamare Buzurgoñ Ne Hadees Shareef Ki Raushni Mein Apni Kitaaboñ Mein Yeh Jumla Irshaad Farmaaya Aur Bil-Khusoos Huzoor AalaHazrat (Quddasa Sirrahu) Ne Bhi Likha Ke Isi Hubb-O-Bughz Ka Naam To Deen Hai.

Najdi Marta Hai Ke Kyun Tazeem Ki;**Yeh Hamaara Deen Tha Phir Tujhko Kya!**

Aur Huzoor AalaHazrat (Radi Allahu Ta'ala Anh) Fatawa Razviyah Shareef Mein Irshaad Farmaate Haiñ Ke "Muhammadur-Rasoolullah (صلى الله تعالى عليه و على آله وسلم) Ko Har Baat Mein Sacha Jaane, Huzoor Ki Haqqaaniyat Ko Sidq-E-Dil Se Maan-na Imaan Hai. Jo Uska Muqir Ho Usko Musalmaan Jaaneñge. Jabke Uske Kisi Qual Ya Fe'l Ya Haal Mein Allah-O-Rasool Ka Inkaar Ya Takzeeb Ya Tauheen Na Paayi Jaaye, Aur Jiske Dil Mein Allah-O-Rasool (جل و علا و صلى الله تعالى عليه و على آله وسلم) Ka Ilaaqa Tamaam Ilaaqon Par Ghaalib Ho Allah-O-Rasool Ke Mehbooboñ Se Muhabbat Rakhe Agarche Apne Dushman Hoñ Aur Allah-O-Rasool Ke Mukhaalifoñ, Bad-goyoñ Se Adaavat Rakhe Agarche Apne Jigar Ke Tukde Hoñ, Jo Kuch De Allah Ke Liye De Jo Kuch Rokey Allah Ke Liye Rokey, So Uska Imaan Kaamil Hai. RasoolAllah (صلى الله تعالى عليه و على آله وسلم) Farmaate Haiñ:

مَنْ أَحَبَّ لِلَّهِ وَأَبْغَضَ لِلَّهِ وَأَعْطَى لِلَّهِ وَمَنْعَ لِلَّهِ فَقَدْ اسْتَكْمَلَ الْإِيمَانَ

(Jisne Allah Ta'ala Ke Liye Muhabbat Ki Aur Allah Ta'ala Ke Liye Adaavat Ki, Aur Allah Ta'ala Ke Liye Kisi Ko Kuch Diya Aur Allah Ta'ala Ke Liye Kisi Ko Kuch Dene Se Mana Kiya, Uska Imaan Kaamil Hai.)

Saabit Huva Ke Jumla Faraayiz Furoo' Haiñ;**Aslul Usool Bandagi Us Taajvar Ki Hai!****Tujhse Aur Jannat Se Kya Matlab Wahabi Door Ho;****Hum RasoolAllah Ke Jannat RasoolAllah Ki!****Dushman-E-Ahmad Pe Shiddat Kijiye;****Mulhidoñ Ki Kya Murawwat Kijiye!****Zikr Unka Chediye Har Baat Mein;****Chedna Shaitaan Ka Aadat Kijiye!****Hai Tera Tasawwur To Musalmanoñ Ka Imaan;****Aur Qalb Mein Najdi Ke Basa Gau Bhi Kharr Bhi!**

Lihaaza Aye Sunni Musalmaano! Allah Tabaaraka Wa Ta'ala Apne Fazl-O-Karam Aur Apni Rehmat Aur Apne Mehboob Ki Rehmat Ke Sadqe Wa Tufail Hum Sabko Deen-E-Mustafa (Alaihit-Tahiyyatu Was-Sanaa) Ki

Sachi Muhabbat Aur Sachi Samajh Ataa Farmaaye Apne Aur Apne Mehboob (صلی اللہ تعالیٰ علیہ و علی آلہ وسلم) Aur Tamaam Mehboobaan-E-Baargaah Ki Sachi Muhabbat-O-Ulfat Aur Unke Jumla Dushmanon Bil-Khusoos Wahabiyoñ, Devbandiyoñ, Neychariyoñ, Rafziyoñ, Badmazhab Bedeenon Waghairahum Se Sachi Nafrat, Wa Adaavat-O-Dushmani Ataa Farmaaye.

Aur Ba-Tufail-E-Ghaus-E-Aazam-O-Imam-E-Aazam (Radi Allahu Ta'ala Anhum) Hum Sabko Is Sache Dars-E-Haq Yaani Dars-E-Qadri Chishti-O-Barkati Razvi Hashmati Par Amal Karne Aur Iski Nashr-O-Ishaa'at Karne Ki Taufeeq Ataa Farmaaye Wa Tamheed-E-Imaan Shareef Wa Huzoor AalaHazrat (Quddasa Sirrahu) Ke Deegar Kutub Wa Fataawa Ko Padhne, Samajhne, Amal Karne Aur Aam Karne Ki Taufeeq Ataa Farmaaye. Aur Tamaam Chaaplos, Shohrat-O-Mansab Ke Bhookey, Ameeron Ke Khushaamadi, Nafs Ke Ghulaam, Sulahkulliyat Nawaaz Naam Nihaad Molvi-O-Mufti, Peer-O-Ameer, Muslih-O-Mufakkir, Musannif-O-Mudarris Waghairahum Khubasaa Ke Sharr Aur Unki Baatil Nawaaz Tehreeraat-O-Jawaabaat-O-Taaweelaat-E-Baatilah Se Mehfooz Karke Khuda Apni Panaah Mein Rakhe, Apni Rehmat Se Aur Apne Mehboob (صلی اللہ تعالیٰ علیہ و علی آلہ وسلم) Ki Rehmat Se. Allah Apne Pyaare Mehboob (جل جلالہ و صلی اللہ تعالیٰ علیہ و علی آلہ وسلم) Ka Daaman Humse Na Chudaaye Na Dunya Mein Na 'Uqbaa Mein, Aameen Ilaahi Aameen.

بجاء حبيبہ سيد المرسلين عليه وعلى آله افضل الصلوة واكرم التسليم -



---: **BA-FAIZ-E-ROOHAANI** :---

Sarkaar Mazhar-E-AalaHazrat, Sher Beshaye Ahle-Sunnat,
Waaris-E-Uloom-E-AalaHazrat, Ghaizul Munafiqeen,
Munaazir-E-Aazam, Abul Fatah, Ubaid-ur-Raza, Hazrat
Allama-O-Maulana Al-Haq Ash-Shah Mufti MUHAMMAD
HASHMAT ALI KHAN QADRI BARKATI RAZVI
{Radi Al-Maula Ta'ala Anhu}

---: **Email ID** :---

razaebandanawazacademy72@gmail.com

---: MINJANIB :---



RAZA-E-BANDANAWAZ
ACADEMY
GULBARGA SHAREEF

SUNNIYAT KA
KAAM KAREÑGE

FATAWA RAZVIYA
AAM KAREÑGE

IMAAAN KYA HAI?

HAI TERA TASAWWUR TO MUSALMAANOÑ KA IMAAÑ;
AUR QALB MEIÑ NAJDI KE BASAA GAU BHI KHAR BHI!

Muhammad-Ur-Rasoolullah ﷺ Ko Har Baat Meiñ Sacha Jaane,
Huzoor Ki Haqqaaniyat Ko Sidq-E-Dil Se Maan-na Imaan Hai Jo
Uska Muqir Ho Usey Musalmaan Janeñge Jabke Uske Kisi Qaul Ya
Fel Ya Haal Meiñ Allah-O-Rasool Ka Inkaar Ya Takzeeb Ya
Tauheen Na Paayi Jaaye Aur Jiske Dil Meiñ Allah-O-Rasool Jalla
Wa 'Ala Wa SallAllahu Ta'ala 'Alaihi Wasallam Ka 'Ilaaqa
Tamaam 'Ilaaqoñ Par Ghaalib Ho Allah-O-Rasool Ke Mehbooboñ
Se Muhabbat Rakhe Agarche Apne Dushman Hoñ, Aur Allah-O-
Rasool Ke Mukhaalifoñ Bad-Goyoñ Se 'Adaavat Rakhe Agarche
Apne Jigar Ke Tukde Hoñ, Jo Kuch De Allah Ke Liye De Jo Kuch
Rokey Allah Ke Liye Rokey, So Uska Imaan Kaamil Hai.

RasoolAllah ﷺ Farmaate Hain:

“ مَنْ أَحَبَّ لِلَّهِ وَأَبْغَضَ لِلَّهِ وَأَعْطَى لِلَّهِ وَمَنَعَ لِلَّهِ فَقَدْ اسْتَكْمَلَ الْإِيمَانَ ”

(Jisne Allah Ta'ala Ke Liye Muhabbat Ki Aur Allah Ta'ala Ke Liye
'Adaavat Ki, Aur Allah Ta'ala Ke Liye Diya Aur Allah Ta'ala Ke Liye
Roka, Uska Imaan Kaamil Hai.) WALLAAHU TA'ALA A'LAM!!!

(Fatawa Razviyah Shareef; Jild-29; Safa-254)

ASKARI ACADEMY

Dargah Mazhar-E-AalaHazrat, Khanqah-E-Aaliya
Hashmatiya, Hashmat Nagar, Pilibhit Shareef